

游滇紀事

地835  
925.1



### 例言

- 一是編分爲游滇紀事。滇南名勝。滇事調查三大端。
- 一游滇紀事。凡關於來滇經過地方。及應行預備各事宜。無不備載。
- 一滇南名勝。凡滇省各處名勝。如西山安甯溫泉等。不下十餘處。均係紀游。對於溫泉之整理。言之尤詳。
- 一滇事調查。凡關於滇省面積。地勢。人口。氣候。風俗。種族。道路。出產。商務等。無不調查精確。
- 一末附由重慶入滇赴緬甸道里等表。閱游滇紀事。可知海陸舟車之便利。閱道里表。可知關山跋涉之艱難。

## 重印游滇紀事自序

游滇紀事一書余於民國五年任職雲南稽核所時所作也日月不居忽忽又十有四年矣前序擬推行四事開發滇中物產至今尙未實現國家多故各行省建設事業亦因之停滯良可惜也書中所載雖間有爲過去之事實然紀事名勝調查三大端按之目前狀況無稍差異仍足爲游滇指南是書初印千部早已分贈一空各處友人函索紛至沓來幾無以應茲擬重付剞劂藉供參考並望大局迅告統一俾余前序條擬各事次第實施開闢邊隅之富源蔚成西南之重鎮此則所馨香禱祝以企之者耳

中華民國十九年皖南廣德錢文選自序於兩浙稽核所

# 自序

中國近數十年來。日就貧弱。說者莫不謂因萬國交通。洋貨入口。漏卮日多所致。此固然也。殊不知交通世代。人可以貨物輸入。我亦可以貨物輸出。交互利益。此天不令一國藏其所有。而使大地之物產。人民之工藝。共現於世。可爲世界開大同之基。萬國得通商之利。人民享天然之樂也。惟人以物產工藝與我競爭。我亦力爭。尙恐不勝。今反放棄已有之物產而不能輸出。坐見漏卮日多。膏血吸盡。此中國之所以貧弱也。豈有他故哉。近年來憂時之士。痛國家日就衰微。憫人民饑寒交迫。或出外洋以求實學。或興工藝以救貧民。無如學者歸國。只知他國之長。不知本國所以然之短。偏執己見。鑿柄不投。甚至以所學不能見用。遂致灰心。別求生路。是以實業人才日益見少。此過於新而未能審察國情者也。又內地志士。雖奮興實業。冀塞漏卮。然又識見不宏。偏重一隅。多以本省人治本省之事。不獨資本不充。抑且人才不敷。當此貧困之際。全國人士同力合作。猶恐難以與外人競勝。若再分省界。必成散沙。事無一成。此過於舊而無國家思想者也。是以講新學數

## 游 演 紀 事

一

十年。談工藝十餘載。而未能發達者。職是故也。中國果貧弱乎。余不必縱論全國。卽以滇省一隅論之。知中國之貧弱在此而不在彼。換言之。在不能開闢利源之爲害。非交通不便之爲害也。據西人德斐士言。雲南爲中國之第三大省。余查滇中五金礦產豐富。各種出品繁多。惟其富庶不能稱之爲中國之第三大省。抑又何也。此無他。天產未闢。人力未周耳。以雲南氣候之佳。非他省所能及。土質之厚。亦他省莫能比。若藉原有天時及地利。而再加以人力。大利之興。可操左券。今滇中急宜推行者。約有數事。(一)羊(澳洲羊)宜畜養也。雲南多山。而水草隨處皆有。宜於畜牧。自不待言。而尤以畜養羊爲大有利益。查澳洲產羊毛。每年銷額不下數千萬元。以滇省之大。如能廣加畜養。並詞以鹽。其毛色之光彩。可以比美於澳洲。年出數千百萬之款。亦甚易易。(二)油克雷(俗名金雞蠟樹)宜種植也。查澳洲此項出產。年亦不下數千萬。此樹他省種之多不相宜。蓋氣候不同耳。雲南天氣。頗似澳洲而較溫和。此樹易於生長。闢十畝之地。植萬株之秧。用五六年之人工。費六七千金之資本。每樹一株。過五六年後。高可二三丈。能爲四五段鐵路枕木之材料。

每段即售洋一元。其獲利不啻十倍。以上二事。資本不須多。時間無待久。個人爲之可。團體爲之可。即公家爲之亦無不可。事易辦而利速者也。(二)道路宜修築也。雲南地處邊徼。交通不便。甲於各省。其物產所以不能輸出者。亦因此也。亟宜興築鐵路。能自籌鉅款。固好。否則可以商請中央借外資。以路作抵。條件不苛。主權在我可耳。總較全歸外人經營爲優勝。但鐵路修築不過一幹線。而離路線附近或稍遠之處。可以做行外國運貨汽車公司辦法。查運貨汽車一架。價約三四千金。汽車每點鐘能行百里。其速過於火車。小者能載貨數千斤。大者能載萬斤。上山下嶺。均可自如。僅將路線修平。寬至四五尺。填以沙子而已。較築鐵路。其費省至十百倍。如汽車不敷。再輔之以牛馬。應組織牛馬運貨公司。指定起迄地點。某某擔任某處輸運貨物責任。並規定價目。一律遵守章程承辦。並通飭各縣知事。相助爲理。以整理道路爲其重要考成。於是貨物無停滯之虞。出產自可源源不絕。即向之荒僻無人過問者。物產既有銷路。未始不可變爲繁盛之區。若鐵路一時未能興築。而汽車與牛馬運貨公司。所宜即行籌辦也。(四)礦產宜開採也。有礦必先有

路。因礦與路須相輔而行。有礦而無路。則無由輸出。即能輸出。而成本過重。不能獲利。東川之銅。箇舊之錫。年出千百萬金。此盡人而知也。其他銅錫比美東川。箇舊所在皆有。或因尙未發現。或因道路不通耳。至於麗江金江永甯臨安之金。他郎昭通之銀。東川昭通之鐵。大理雲南間之煤。騰越之美玉。大理之楚石。均皆著名於當世者也。如有鐵路。輸運既易。出產自多。然未修築鐵路以前。則可用前法。暫以汽車牛馬輸運。以應轉運之急。惟開闢礦產。須以資本。並須有經驗之人才。本省資本人才不足。不妨借諸他省。使大利不致久棄。俾國與民交受其益。果能急起直追。十年後。雲南雖不能比諸江浙之富庶。決不致如日常藉中央協濟。自處於貧困之地位也。余言雲南之非貧。並言中國之可富。其所以貧者。均所謂抱璧而饑。懷金乞食也。人見歐美各國之富。莫不曰實業也。工商也。然其大本大源。則別有在。余久遊歐美。見各國致富之道。別有精神。今以英倫論之。一般英人常以所收之金錢。存儲於國家。或地方銀行。而銀行收集所有現金。即借出於外國以生息。人民間之往來交易。幾無一不用支票。此無他。國家信用之厚也。以中國二萬萬方

里之大。四萬萬人民之衆。如實行銀行制度。國家信用一厚。人民不再將現金自儲或藏於地窟。往來亦均用支票。卽每年一人以現金一元存於國家銀行。卽有四萬萬元之多。本能生息。息又轉本。循環不息。其利何窮。而國家又可藉以周轉靈通。得以維持金融於不敗。當國家需款正用之時。卽可募內國公債。不必再仰求於外人。以受彼之要挾。此余言中國有可富之道也。何以證之。余以雲南證之也。雲南今日可謂貧困已極。其所以能支持周轉者。多藉富滇銀行維持之力耳。是以尙無破產之事。銀行之力。固不重哉。當有事之時。雲南政府能維持此銀行。不使紙幣價格低落。誠爲有識矣。此次雲南爲舉義之首邦。獲勝之餘。百端待理。果能將實業振興得宜。以滇中五金礦之多。可以富敵全國。茲余調查滇中之出產。并敘述其各項之事迹。明知紀事淺陋簡略。不足以當博雅君子之顧盼。然余深知社會普通之心理。人事日忙。多厭繁而求簡。余所以爲此。不過藉以引起一般人之注意。曉然於雲南爲出產豐富。氣候良好之區。而非蠻荒烟瘴之地。使人才來歸。資本得集。俾將來雲南變爲富庶之中樞。爲西南半壁之重鎮。此篇未始非嚆矢也耶。

中華民國五年十二月

日皖南錢文選自序於雲南稽核所

# 游滇紀事

陳垣同志遺書



民國四年十月。奉部派委赴滇。稽核鹽稅。余曾遍歷歐美。何憚一游。然聞雲南內地交通不便。又在瘴鄉。頗不欲往。余友莫立生 G. E. Morrison 顧問爲余言。自滇越鐵路開通後。由海防至雲南省城僅四日。交通已較便利。至於瘴氣。係在邊遠之地。省城近年無之。且述在華日久。游遍南北各省。以天氣論。常推雲南爲第一。又古迹甚多。可以藉此游覽。勝於讀史。并云如中國政府有差使派彼。由彼自擇省分。彼當指雲南。并欲久居其地。似不可不一行。及見丁恩 Sir Richard Dane 會辦亦云。雲南氣候山水俱佳。丁會辦曾經赴滇調查鹽務。知雲南情形甚確。亦力勸一行。并云自下關鹽稅局一案發生後。總所視滇中稽核一職。極關重要。既歸自歐美。熟悉外情。又曾任外交及鹽務各職。辦事當能得手。務必前往。余素性好山水。又好奇。每聞有山水及古迹之可游。必欲一往。余不喜巴黎而樂瑞士。厭倫敦而愛華盛頓。蓋一則繁華。一則幽靜也。余又思滇中礦產豐富。出品繁多。更可藉此行以調查之。始決定前往。遂於本年（一九一五）十一月十日由滬乘船赴香港。香港

## 游 滇 紀 事

一

爲自海道往滇必經之路也。先是余領得部寄護照一紙。並經駐京法公使簽字。嗣有人謂當再由駐滬或駐香港法領事簽字。方爲妥當。及抵滬往謁法領事。據稱既經駐京法公使簽字。勿庸再由領事簽字。但爲慎重起見。復於照上加蓋領事館印信。並註明由上海經過字樣。誠可感也。別法領事即回旅館。摒擋一切。未幾。驅車抵碼頭。登新疆船。此船乃太古公司新添之船。爲廣招生意起見。故船價尙廉。所惜飲食不佳耳。迨抵香港。因已由上海客棧知照香港客棧招待。故船到時。棧夥即前來照料行李。余則搭小火輪登岸。暫寓客棧。

### 香港

香港客棧分三種。一係普通客棧。一係外國客棧。（如香港旅館等屬之。）一係酒樓。可以住客。其價均較普通客棧爲貴。蓋普通客棧至多不過每日每客二元也。至旅館與酒樓則非四五元或三四元不可。香港不用他處錢。用須貼水。故未赴港時。余已在上海設法購得香港毫子若干。每十枚當大洋一元。並另在上海兌港幣若干元。以作香港費用。以

英洋易港幣每元須貼水五分。又海防爲赴滇必由之路。其地行使法幣。名西貢紙。港幣聞不通行。以港幣換西貢紙。每百元當貼水六元上下。但在香港只可換得西貢紙。現洋則不易換出。然攜有西貢紙。到海防時。可以換得現洋。較在香港爲易也。至法國錢。只行用於海防及老街地方。過老街。渡一橋。卽爲河口。係中國地面。又用華幣。或英洋矣。幣制之不同。有如此者。十六號由香港乘于愛船（孖地公司）赴海防。香港赴海防之船。只有兩家爲好。（一）大古公司船。一名開封。一名松江。（二）孖地公司船。一名香港。一名于愛。余所乘者。卽孖地公司郵船于愛也。較上海至香港之船爲小。此船只赴廣州灣海防二處。不再赴他處。故到海防。只須兩日有半。如乘開封船。須至三處。當多費一日時間。故有事之人。總以乘法國郵船爲便也。惟郵船二等票。須三十二元。如帶僕役一名。再寫統艙票一張。須洋九元。則反較大餐間爲多。故甯買大餐間票。其價不過四十元。可帶一僕。該船房間甚小。不及赴海外輪船頭等房間之寬廣。每房二床。一睡櫬。行李過多。只可放在統艙。惟無人擔負看守之責。殊屬不便。船中侍役皆安南人。頭束髮。繫黑巾。面與華人略

同。惟赤足耳。彼等稍知法語。多能操廣東語。行人倘不知法語及廣東語。則大窘矣。船未開時。曾有英國巡警局員來船查看搭客。有無違禁物。余居大餐間房中。忽來一人。要啓余箱。余謂汝係何人。彼以巡警局員兼偵探對。余云請先示余證據。彼立時在懷中取出執照。余遂啓箱聽其查驗。此人因余要其示憑據。稍不滿意。然以法理行之。不能不如此。蓋恐有人冒充也。彼本欲一一檢查。嗣問余由何處來。余云歸自歐美。近由政府派赴雲南。故彼未看畢。卽倉卒而去。渠去後。余詢船中茶房。何故檢查。據云近因歐戰。慮奸人由香港私運軍火出口。是以檢查。由香港乘船出口時。見香港形勢天然。較余赴英第一次（一千九百年）察看時。尤爲詳確。見進香港第一層口門。羣山繚繞。小島棋布。再進又有一良港。凡檢查入口稅品小船。皆由此以登外來大船。再至第二層口門。內又現一廣大良港。（一二層口門均築礮臺）左爲香港。右卽九龍。而香港高峯聳峙。街市皆就山坡建立。有上山電車。山之左有酒店。極頂則爲英兵駐紮之所。可以遠望數十里。九龍地勢較平。近港處頗低下。後山雖高。然亦不及香港也。香港九龍對峙。港內輪船如蟻。帆



舶如雲。實亞洲西方第一商港。亦卽英人東來駐兵之重鎮也。前查舊金山華人出口金錢至香港冊。每年達四十兆元美金。舊金山一處之數如是。設合上海、廣東、澳門、海防、以及南洋羣島、朝鮮、新加坡、檳榔嶼等處言之。金錢之多。更不可以數計矣。現值歐洲戰事。香港防守甚嚴。凡關係軍事信件。皆不准發寄。其往來於香港之信件。亦須開拆檢查。由香港至海防。舟行一晝夜。始抵廣州灣。

#### 廣州灣

廣州灣地勢平坦。無巍峨氣象。且亦無大建築。法人之經營力。較英人薄弱。可見一斑矣。但灣內水深曲折。可容巨艦。亦良港也。商務不甚發達。故廣州灣法國郵船至此。僅停半點鐘。卽開搭客貨品均少。十七日上午九點由廣州灣開駛。十八日早十二點鐘至海防。

#### 海防

余見海防口外。左右連島。矗立海中。形勢天然。入口後。見內河亦左右抱護。兩岸平地。極爲膏腴。安南分爲兩圻。一曰北圻。二曰南圻。海防河內。老街等北圻也。西貢、港南順

化等南圻也。亦猶我國南方北方之分。安南產米極富。且每年產三次。四月八月十二月。爲收穫期。前此不准出口時。米每石僅售洋二元八角。繼因銀根吃緊。無錢交通。故法政府准其出口。現售每石法幣四元左右。船抵埠時。卽有關員來船查驗。所有民船。均不准靠近船邊。迨關員驗畢。客棧中人始得上船接客。關員中則用安南人爲繙譯。稍知粵語。渠曾向余索護照給關員驗看。關員一見護照。係駐北京法公使簽字。乃另寫一小白紙片。准余等及行李一律登岸。毫無留難。而行李亦未檢查。如無護照。無論何人。不准入境。照安南入境章程。如春二月以至七月。船至海防。須候數日。查驗疫病後。方能放行。余抵其地。以不在期限內。故未候之。查海防地方不大。商務亦不見發達。華僑經商於此者。約有六七千人。粵人居最多數。閩人次之。他處之人甚少。粵人中以代理行生意爲最大。所謂代理者。卽轉運公司別名也。運出入貨於海防。最大者當推東南利等代理行。至雲南出口貨。運往海防者。若火腿。若茶葉。皆爲大宗。其他藥材亦多。安南自歸法人經營後。凡美品經過其地。必苛徵重稅。且所定稅則。可以隨時更改。初無一定標準。非如我值百抽

五之比也。法人見各處美品。凡能暢銷者。必收極重之稅。安南政費。卽以各項稅款充之。而名目繁多。有所謂店鋪稅。有所謂人頭稅。人頭稅分三種。一等每月每人十元。二等每月每人二元。三等每月每人一元。此專指對於華僑而言。若係安南人。則征稅不及華僑之半。以安南人爲其保護國之人民也。華僑因無領事。故一切事務。無人代爲管理。倘與安南人爭訟。審判官往往曲護安南人而釋放之。置案不理。華僑雖憤憤然。亦無可如何也。因此之故。安南人遂遇事欺侮華僑矣。海防華僑設有中華會館。每三年公舉一人爲會長。法人年給會長洋五百元。凡一切收稅及宣布命令等事。均由會長轉達各華僑。惟此等會長。祇有奉行之職。而無爲華僑謀利益之權。華僑之在安南者。海防約六七千人。河內約三千人。老街約一千人。統共約達萬人。余此次抵安南。華商前來謁余。咸云我政府能派一領事駐河內。管理華僑事宜。則僑民受福不淺矣。在海防住一夜。卽於次日晚車赴河內。

河內

游 演 紀 事

四

余由海防至河內。沿途見禾田無際。正在收穫。既見穫稻。又見插秧。蓋安南每年收穫三次。此第二次也。海防十月。幾與內地四五月天氣相等。河內天氣稍涼。然夾衣亦可適體也。安南人貧苦者甚多。居則陋室。食則粗飯。衣則黑布。一望而知爲下等民族也。人民懦弱。驅策甚易。設無法人經營之。則惟有終隸於我之藩屬而已。安南農事。極與我國相合。惟稍覺粗鈍耳。此一般無教育之人。不能自行經營商業。除從事農業外。絕無他事可以謀生。貧民衣食不給者。比比皆是。誠可憫也。

安南人無論男女皆赤足黑牙。(故用藥品染成黑色)吾人以爲不雅。安南人以爲美觀。安南地方既屬膏腴。天氣又和暖。出產既多。生活自易。以致民安於惰。事無進步。及屬於法後。供差納稅。生計日艱。惟城市經法人整頓。兵丁由法人訓練。頗有可觀。使無法人管理。決不能如是優勝劣敗。天演公例。自不治必待人治。以致主權人操。自居奴隸。茫茫大地。又豈一安南也。良可慨哉。

由海防至河內。約五點鐘。(下午一點鐘開車。五點鐘到)至加林站。卽有海防連號之棧。

房前來招待。河內爲安南極大地方。法國安南總督駐焉。說者謂當日地方並不甚大。後經法人一番整理。故街道既寬且潔。遂變爲安南重鎮。境內川流交貫。交通稱便。成爲富庶之區也。當至河內車站時。法人索行人護照查驗。余至棧房後。有法人來棧索取護照。持去數點鐘。始又由棧主取回。交余收之。在河內住一夜。遂於翌日赴老街。

#### 老街（卽河口）

由海防至河內。老街均用法幣。故華人來此。宜先在香港換西貢紙。以備應用。海防至河內。爲時不過五鐘。可不必帶點心。如由河內至老街。則須稍帶食物。以備午餐。以車中無物可購也。沿途車站。土人所售之物甚惡劣。不堪入口。老街過河。卽爲河口。過河口。法幣又不通行。卽用亦不貼水（英洋一元換法幣時須貼一角）且買火車票。又須用富滇銀行鈔票。英洋一概不用。可怪之至。而行人尤宜注意者。卽老街河口稅關也。

河口火車六點半鐘開行。開行前半點鐘。須在老街法國稅關查驗一次。甫畢。又須在本國稅關查驗一次。如行李多者。往往趕不及火車。致誤行期。余行李亦多。因能操外國語。

#### 游滇紀事

五

與西人直接。故途中尙無留難。得以卽時上車。亦云幸矣。

由河口開車。經過波渡箐地方。因鐵路被水冲毀。約十五華里。不能通車。須繞山行。乘過山兜。每人費洋一元。若乘馬只須半元。（過山需時兩點鐘）山高約在三千尺以上。懸崖絕壁。直立如屏。倘一失足。則人由山上跌下。無一生者。此間設有轉運公司。每大件行李。索洋五毫。惟行李每件不得過六十斤。以便馬駝。又至碧色寨附近地方。有名大莊者。俗名草壩。車由水中行。因車路被湖水淹沒也。當日法人勘路線。何不由山邊過。獨由湖中行。近三年聞已兩次被水淹沒。急宜改道於山邊。或能使湖水涸之亦可。余未至之先一日。須換船渡過。是日則直接到阿迷州。不必在碧色寨宿也。在大莊換車。搬運亦須出費。是夜遂抵阿迷州宿焉。未至阿迷州以前。經過芷村。該村位置在山嶺中。地形平坦。又上蔭至文富一帶（安南境）景緻甚佳。幾同瑞士。

#### 阿迷州至雲南府

二十二日早由阿迷州動身。車票一切。均由棧房代爲辦理。沿途無甚可觀。將至雲南府。

見連山環抱。中現一極大平原。遠觀金馬碧鷄。近見蛇山五華。俱列目前。一種巍峨氣象。當知山川雄厚。人物挺生也。回憶永歷帝建宮殿於五華。吳三桂僭尊號於南詔。歷史有名。至今方見。西人云。讀書不如游歷。誠不虛也。是晚抵省城。寓南城。外白尼理大旅館。二十五日遷至海心亭畔新寓。以後紀事。得暇再隨時述之。

### 滇南名勝

#### 雲南府省城

唐代宗乙巳永泰元年。鳳伽異築。至明太祖壬戌洪武十五年。修周九里三分。高二丈九尺二寸。共六門。南曰麗正門。樓曰近日。大東門曰咸和。樓曰殷春。小東門曰敷澤。樓曰璧光。北門曰拱辰。樓曰望京。大西門曰寶成。樓曰拓邊。小西門曰威遠。樓曰康阜。

城內有五華山。在城之中央。上有拜雲亭。現改爲開武亭。亭東爲諸葛武侯祠。又東爲潘勞二公祠。拜雲亭之西。爲憫忠寺。南詔時爲高智昇宅。明季爲永歷帝故宮。清初爲吳三桂僞宮。憫忠寺建於元。五華書院始於清。光緒季年。以憫忠寺後之餘地。改建師範學

堂。民國成立。師範學堂移於舊督署。以其房舍爲都督辦公處。民國二年。軍民分治。又拓山之陰。爲民政長署。三年。改設巡按使。以舊撫署爲行政公署。以五華山爲將軍行署。開武將軍將拜雲亭改名開武亭。民國四年十二月二十三日。雲南舉義後。又將將軍行署改爲都督府。民國五年八月十日。軍民又分治。都督改名督軍。巡按使改名省長。督軍省長各公署。均仍住原處。督軍公署洋樓高聳。如出雲表。登開武亭四望。見金馬山臨其左。古柏參天。蒼翠如雲。昆明湖臨其右。汪洋浩蕩。一望無際。再俯瞰全城。均在目下。雙塔當前。湖亭在後。形勢雄壯。爲全省冠。

城西北爲吳三桂邸。今惟餘池沼園亭之址而已。相傳卽今之講武堂附近地方也。講武堂之左爲海心亭。有寺。清康熙三十一年建。香火極盛。寺旁有魚池。游鱗千百。游泳荇藻。間飼以餅餌。則爭食。頗爲樂觀。亭邊有石路。兩旁皆樹。樹邊流水。夏日潺潺。如入清涼世界。誠爲幽雅之地也。俗謂之海子。余所居之處。面臨此海。海中已開爲田地。或魚塘。日聽漁歌互答。大有在城如在野之概。時至春日。見垂楊綠柳。翠色宜人。五華當其前。貢院臨

其後地方尚不惡。惟四邊太空。難以防賊耳。余宅之左。相去數十武。卽爲青年會會所。海心亭之東。法國領事署在焉。署東有法國郵政局。法國醫院。城東有英國總領事署。及電報局。城南有鹽道街。鹽運使署在焉。署左卽爲雲南鹽務稽核分所。并附設黑井區收稅總局於其內。日本領事館在城內三牌坊。德國領事館。電報局。郵政局。海關。均在南城。外火車站附近。出火車站。卽爲白尼里旅館。(余初到所住之處)車站旅館。與海關相近。有法國旅館。此爲昆明城外(雲南省首縣)之三外國旅館。由火車站進南門。繞過金馬碧鷄坊。該處爲百貨匯萃。人烟輳集之所也。

省城公園。在南門外碧鷄坊之西。前清季年所築。大門凡二。門內正面爲乙樓。卽洋式樓房也。樓西爲富春亭。作方式套環形。其北爲延秋亭。樓之東有停雲館。館之北爲萃春亭。結構雖俱有匠心。然工作草率。恐難以持久耳。乙樓之南區。爲南部。其大廈巍峨者。園外之三皇宮也。倚三皇宮之後者。爲得月亭。有池繞之。其東相間以堤。堤之東又有巨池。池中花山如島嶼然。其南爲大餐館。再南則爲雲華戲園。登乙樓遙望。見東西二寺塔左右

游 演 紀 事

矗立。東塔在長樂寺。高十三丈。西塔在慧光寺。高八丈。兩相對峙。舊志云。二寺皆唐南詔弄棟節度使王嵯巔建。自唐文宗太和三年開工。至宣宗大中十三年。凡三十年始竣。工大匠尉遲恭韜造。查東塔久燬。前清光緒間重修。今名東塔爲新塔。西塔爲舊塔。省城既有此公園。一般士女。花晨月夕。游於其中者。絡繹不絕也。

按金馬碧鷄兩坊。係由金馬碧鷄二山得名。考滇史雲南府省城外二山。東爲金馬。西爲碧鷄。周時西天竺摩竭國阿育王。生三子。長福邦。次宏德。三至德。王有神馬。其色如金。三子爭欲之。王令縱馬。以轡私授至德。下令曰。能獲者與之。至德部衆追至東山。以轡收得馬。至德卽止焉。故今名山爲金馬。福邦宏德部衆繼往。聞至德已得馬。二人乃屯於西山。時山有碧鳳。土人不識。呼爲碧鷄。二人亦同止焉。故今名山爲碧鷄。阿育王念滇遠。恐三子不得歸。遣其舅氏神明者。統兵以迎。將歸。哀牢夷阻道。三子遂不得返。既歿。福邦爲碧鷄山神。宏德爲巖頭山神。至德爲金馬山神。漢武帝聽方士言。遣諫議大夫王褒求金馬碧鷄之神。褒未至滇。至蜀中。望祭而回。移文於二神曰。持節使王褒謹拜南崖。敬移金

精神馬。縹碧之鷄。處南之荒。深谿回谷。非土之鄉。歸來歸來。漢德無疆。廣乎唐虞。澤配三皇。黃龍見兮。白虎仁歸。歸來歸來。可以爲倫。歸兮翔兮。何事南荒也。後至南詔大蒙國王。异牟尋。封金馬碧鷄二神爲景帝。

### 圓通寺

在省城東北隅。爲城內巨刹。蒙氏時建也。門首有圓通勝境四字。近改爲幼孩工廠。寺中有一亭。亦甚壯麗。但中無一物。亭後卽爲圓通寶殿。中有大佛三尊。左右柱上有二龍環繞。殿前有許弘勳所書佛谷雲深四大字。殿後卽係螺峯山。又名圓通山。查省城以隄山爲祖山。中出爲螺峯。五華會城宅焉。余至殿後。左有一門。名采芝徑。入內石磴旋折。見有一土牆。據寺中人云。中係石洞。緣崖而上。遙望牆內有納霞屏三大字。係前清康熙中總督范承勳所題。下有潮音洞。深邃莫測。相傳螺峯之下。有蛟潛其中。建寺鎮之。寺設鐘鼓。蛟不能存。蛟去水涸也。惜洞被土牆圍之。不能入觀爲憾。或云自建圓通寺後。蛟患息。洞門遂塞。右有一洞。曰雲津。亦不知塞自何年。人多未知者。檢滇志載有明萬歷李巡按本

### 游滇紀事

八

固游雲津洞詩一章。是此洞尙未塞也。詩云。『丈夫意氣凌高秋。飛行八極隘齊州。匹馬西南天際頭。貪奇到處爲冥搜。昆明之左巖山陬。中有仙窟結蜃樓。神藏鬼呵誰敢求。我來始得探其幽。洞口倒涵丹水流。長橋夭矯偃蒼虬。振衣前度恣夷猶。森森石筍排戈矛。側身一罅偃而僂。手闢洪濛觸不周。別有天地非人謀。列炬大詫爭先投。奇奇怪怪爛不收。萬頃芙蓉翔鸞鷗。百寶流蘇控玉鉤。千絲瓔珞懸燈毬。琪花瑤草紛相摻。石髓天漿旨且柔。瓌璋陸離眩人眸。煙花繚繞紫雲浮。髣髴洪崖拍浮邱。驂駕白鹿與青牛。鸞回鳳舞彈箜篌。步虛歌來音韻遒。恍疑臨風到十洲。俯首塵世如蜉蝣。洞天深處水悠悠。欲往從之道阻修。恨無太乙蓮葉舟。四顧蕭然不可留。卻尋歸路吟且謳。此日眞成汗漫游。散髮箕踞倒玉甌。劃然長嘯山鬼愁。神仙本是英雄儔。蓬萊清淺不盈杯。醜富貴安足籌。棄之於我如浮漚。向平婚嫁幾時休。松風萬壑來颼颼。』惜乎今二洞均被圍塞。而不能一游爲恨耳。土牆外有關壯繆及觀音石像二尊。再上爲觀音殿。係在半山之中。面向圓通大殿。但觀音神像已毀去。僅破屋一椽。此殿建於大明崇禎十二年。殿之右有呪蛟臺。此

臺後有新牆圍之。雖見山上尙有一接引殿。然不能直登。余欲以窮其源。遂繞道東門。由城牆之旁入接引殿。其中亦空無一物。出殿見城牆一帶。桑林繁茂。大有杭湖風景。登後山遙望。見遠山近水。蓮池禾田。均現於目前。令人心曠神怡。越一土牆。至一平山頂。係光復時陣亡諸將士葬於此。名曰偉人墓。以石爲之。其形如欄。墓向五華山。圓通寺後之山皆石。獨此處無之。地亦高聳。形勢巍峨。頗爲壯觀。余游畢。繞昆明北倉而下。出北門往尋陳圓圓墓。及其梳妝臺遺址。

#### 陳圓圓梳妝臺

昆明縣志云。吳三桂既死。相傳其美人陳圓圓久已入道。迨雲南平定。陳之死已數年矣。安阜園在城北近商山處。故老云。有圓圓墓在焉。其旁卽梳妝臺遺址。余往尋之。見商山處僅有明永歷帝灰骨處一碑。不見圓圓墓。詢問本地士民。亦無知者。惟云商山前有一大土堆。卽當日圓圓梳妝臺也。余遂往尋之。登土堆遙望。見城牆作岸。寺觀爲屏。左有蓮池。右盡禾田。一望無際。今日雖成土堆。想當時必爲畫閣。當闖賊入京。獲吳三桂之父。三

桂本有降意。及聞圓圓被擄。三桂衝冠一怒而乞兵於滿清。陽稱誓師討賊。陰實爲圓圓也。使中國大好河山。歸於滿人之手者。幾三百年。明固亡於三桂。其實因圓圓一人也。圓圓曩時爲絕代之佳人。今者一堆黃土。數點青燐。而香塚何方。牛眠未卜。撫今思昔。能無美人香草之思。圓圓雖不能與錢塘蘇小虎阜貞娘。存遺墓於千秋。然芳名赫赫。爲有明一代作結束之豔史。當亦與歷史長存於萬古也。圓圓去今幾三百年。尙有人尋芳塚。登妝臺。流連不忍去者。其魔力之大。可想而知。吾知千百年後。必尙有人以尋其豔迹者也。

#### 黑龍潭

余性好山水。假星期餘閒。一遊名勝。於一千九百十六年一月二十三日。清晨乘肩輿出東門。往遊黑龍潭。同人先期約定。並治佳餚以備午膳。同往者。有鍾君召菱。唐君阜常。林君翁如。龐君幸蓀。李君靜安。郭君次卿。李君鏡湖。黑龍潭離城三十里。十點半到寺。雲南山水秀麗。人物挺生。以英靈之氣散爲百卉。如滇茶之種七十有二。扶桑五色。豔同霞綺。以及奇花異植。未經見者。筆不勝記。今乘該寺茶花甚開。前往一觀。藉飽眼福。余一人先

到少焉陳君古儀袁君樹五等亦到寺遊覽相與偕行指導各名勝寺有四美卽漢祠唐梅宋柏明墳也入寺門見有一橫額上書漢黑水祠祠中有大茶花一株花紅似火色鮮如珠眞余從來所未見也再上一層見宋柏兩株高出雲表枝幹扶疎根大十圍相傳爲宋時所植又再上一層卽唐梅處也見梅根甚老知係古樹由老根而生新枝得山靈而花發奇豔古梅似畫筆所難描也梅邊左廂有石刻唐梅一株並阮文達公詠梅詩句二律云（千歲梅花千歲潭春風先到彩雲南香吹蒙鳳龜茲笛影伴天龍石佛龕玉斧曾遭圖外割驪珠常向水中探祇嗟李杜無題句不與逋仙季迪談鐵石心腸宋開府玉冰魂魄古梅花邊功自壞鮮于手仙樹遂歸南詔家今日太平多雨露當年萬里隔煙霞老龍如見三滄海試與香林較歲華）遊畢而出寺寺左山坡下有明薛爾望先生墓先生於明末以諸生全家殉難葬於此現滇紳爲先生建祠一所於其側以誌景仰墓前黑龍潭卽薛爾望先生全家死節處潭水極深黑潭中魚類甚多得食卽羣赴爭之潭旁一亭名魚樓道光間總督阮元重修有一聯曰寒潭千載雪玉骨一堆香山下之寺有雅座（

游 滇 紀 事

十

山上亦同）同往午膳遇法交涉員蘭必思君於此渠亦來遊也蘭君先行飯後林君等亦因事先回城余與鍾唐龐三君同赴銅瓦寺俗稱金殿余與鍾君乘轎唐龐二君騎馬出黑龍潭不數里路過開武將軍唐母之墳渡一小河直達銅瓦寺

銅瓦寺

該寺在省城東北二十里金馬山西北麓舊名鸚鵡山同人等至山脚下轎步行上山見書一二三等天門再上見太和宮範銅爲瓦覆寺三楹故又名金殿殿之四圍環以甃城規制宏麗殿旁有七星旗一面純以銅質爲之係數百年之古物殿左廂有茶花一株甚大花尙未開金殿內供祖師一尊相傳雲南東川出銅每歲貢京師前因兵燹貢銅無法運往遂以之建銅瓦寺遺留至今未知確否寺外全山皆古柏實爲省城附近之大森林也稍坐卽行進城時天已昏黑鐘鳴八下矣

大觀樓

在省城西門外十里樓臨草海草海之外爲滇池池方數百里跨昆明安寧晉寧三縣水



如倒流。故曰滇水無洩處。或曰由西南流入金沙江以趨蜀。未知是否。將到大觀樓時。見樓之左。有衆舟泊焉。另有滇紳自置備之船二艘。專爲遊海之用。有相識者。可以借之。樓前切近草海邊。有新建之樓。登高遠眺。見海水澄清。大有秋水長天一色之概。遙望西山。若隱若現。殊覺爽氣飛來。俯瞰近湖一帶。蟻舟往來。帆舶如雲。樓後有石砌之魚池一所。亦楚楚可觀。池後又有一亭。雖非畫閣雕梁。然亦具有匠心。左右又有迴廊。交通於亭樓。雨天可免溼足。亭之西有新建洋樓一所。傳云將租於西人消暑。計兩層。前有空基。可植花草。後有湖水。可養魚鱗。樓邊有楊柳多株。遠觀山色。近挹綠柳。湖水沈鮮。令人怡悅。雖非世外桃源。然亦滇中勝地。登斯樓也。心曠神怡。如在夏日。得與二三知己。借賃一椽。或把酒吟詩。或對樽邀月。或抱膝作竟夕之談。或泛舟作煙霞之客。較西湖之亭閣。瑞士之樓臺。未遑多讓。余足跡遍全球。到處厭城市之繁。隨地尋山水之樂。斯樓也。雖余言之不免過甚。然幽雅宜人。固有使余不得不過言者。表彰名勝。昭示來茲。或亦詩人墨客之所同情者與。

游 滇 紀 事

十一

曇花寺

某月日有友人來約遊曇花寺。該寺距省城約八九里。乘輿一點鐘可到。入門爲一殿。殿之右廂有一門。過此門。有一花園。見茶花與玉蘭盛開。茶花如珠。玉蘭似玉。爭相豔麗。余前至黑龍潭金殿。雖見茶花一二株。花色甚佳。然不及曇花寺之多。寺後有一園。亦多奇花異草。是日天氣晴和。士女如雲。值此良辰美景。皆來一遊也。園中茶花之美麗。尙不及該寺之後院。逼近道人房舍處者。尙有最好茶花數株。但無人介紹不能入。余與王君等入後院。見茶花兩排。內有水紅色二三株。其色之美麗。真無能與之比者。吾等流連多時。不忍舍去。道人云。他種茶花尙可出售。此種甚少。僅供游覽。不能售之。否則雖出重資。余亦當攜之歸也。有某滇紳云。各國皆有國花。如日本以菊爲國花。中國如採用國花之制。當以茶花爲國花。此言未免過於偏也。此等茶花。他省未之見。卽有亦係甚小。不足與比耳。然不能一省之花。代表一國之花。滇人未出門者。常云金馬碧鷄坊。可以甲於天下。及至京師觀宮殿之大。至山海關觀長城之雄。然後可無言矣。日本以菊爲國花者。蓋到處

皆有。余固喜於滇之茶花者也。本無微詞之可言。惟以之爲國花。余未便贊同。遊畢出寺門。步行至後山。遙望該寺。後倚平岡。前臨河堤。堤外則菜花盛開。望之如一片黃雲。似金鋪地。回憶前登宣城敬亭山（唐詩云相看兩不厭只有敬亭山）見菜花盛開。正與此同。十餘年來。或供職京都。或奔走重洋。未能再至敬亭。撫今思昔。不能不感慨繫之矣。

### 虛凝菴

省城附近諸名勝。如黑龍潭金殿大觀樓雲花寺均已游之矣。某日天氣晴和。又值星期。遂乘輿於早九點出北門。先赴虛凝菴。出城約十五里。有一大村。忘其名。過村里許。卽上山。爲赴虛凝菴之道。余舍輿步行。山路曲折。過一嶺卽至該菴。頭層爲都雷殿。二層爲玉皇閣。見一聯云。游客此間來。喜千仞高峯。有人立馬。飛仙何處去。剩一灣流水。容我觀魚。三層極高。由道士開門進觀。亦係玉皇閣。形勢雄壯。因見外人在此宴客。故未久坐。飲茶畢。卽由道士導觀仙人洞。洞在菴下。已蓋新殿。尙未落成。左右各一洞。洞不深遠。洞右有張真人像。據道士云。張真人於明初在此修行七年。遂隱。對山有石臺。係張真人拜斗臺。

### 游滇紀事

### 十二

臺與菴之間。有小水塘一口。名曰魚池。因天旱前已將魚送至黑龍潭池中。故近無魚矣。由此菴赴鐵峯菴。道士云。不過三四里。余不乘轎。沿山步行。過一山嶺。山路紛歧。曲折殊甚。遙望鐵峯菴山巔。石形似黑線。起伏如蛇背。故名此山爲蛇山。俗名長蟲山。此山與虛凝菴之山本相聯。長蟲山係北來祖山南向。虛凝菴之山。由長蟲左山邊出一支脈。東向而山無石。該山雖無長蟲山之雄壯。然由長蟲山之左。陡起一山。蜿蜒而下。左右護山環抱。面山遠望如屏。層層排列。且昆池之水。亦隱隱如在目前。此山據高臨下。如入雲表。此凝虛二字之所由起也。將至鐵峯菴之時。山中有一泥塘。甚深而無水。折而南行。轎至該菴。由邊屋入。卽此菴之左門也。

### 鐵峯菴

鐵峯菴下層爲觀音殿。殿左有一深泥塘。然無水。如有水有魚。更爲壯觀。入頭門見對一聯云。上第一峯頭。到處皆當撒手。空大千世界。看來總是忘機。第一層係道德天尊殿。第二層係觀音殿。因是日亦有外國人在此宴客。故未久坐。余遂拾級而上。至第三層。登樓。

見有牌位。上書明貞烈黔國公沐天波母陳太夫人。正室焦夫人。副室夏夫人。左右有對一聯云。陟山千仞。慨積鐵堆青。錯無可鑄。黔國三英。痛重泉化碧。死有餘哀。又有橫額一方。上書黔國三烈祠五大字。旁註云三烈者。黔國沐天波母陳氏。妻焦氏。妾夏氏也。沙寇之亂。陳自焚於朝陽菴。焦自焚於金井菴。清兵之陷昆明。夏自縊。皆烈女子也。歷年三百。未立祠祀。今就鐵峯菴立三栗主。榜其楣曰黔國三烈祠。章志貞教。昭示來茲云。曲折而上。至第四層。有觀音殿。左有土地祠。觀音殿左右有迴廊可坐。此殿已至極處。無路再上。沿路由第二層至第四層。見刻字於石者甚多。或以詩而追述前事。或以字而留示後人。並有人於最高之石上刻字。幾同懸掛。俗傳長蟲吃食於滇。遺糞於川。昔有滇人欲破此風水。免金錢流於四川也。遂於蛇頭處置雄黃塔以鎮之。後有某制軍下令撤去。今改爲觀音殿也。立觀音殿後最高處。見五百里昆湖之水。皆爲所受。千百仞高山之峯。悉作屏障。湖光山色。盡在目前。形勢之雄。推爲滇中第一。堪輿家言鐵峯菴爲城內五華山之祖山。以其尙未脫化。故宜於菴觀云云。然亦有人云蛇山之石。與他山不同。以言山。則左右

內沙互抱。外山環繞。明堂可容千人。萬山皆爲朝拱。以言水。則有昆湖。遠望蒼茫。悉作外府。其地之優勝。不待言也。以其地與西山較。則西山實有不及。蓋西山亦爲此山之外障。鐵峯爲主。西山爲輔。誠不可相提並論也。鄙見以鐵峯菴不獨駕黑龍潭而上之。卽西山亦不能與之比較。其他金殿與虛凝菴更無足論矣。出鐵峯菴之外門。門左有村落。人口無多。越山過嶺。而至省城北門外之兵營。過營則至蓮花池。池廣二三十畝。舍轎而步行。繞蓮池一周。見釣者行者。且歌且語。釣者得魚。喜不自勝。行者觀池。油然自得。男女踏青。隨地而食。鄉中風景。大有可觀。余並赴英國領事花園。見中西名花均具。尤以玫瑰爲多。園中有打球場一處。該園四圍圍以竹牆。牆內花木青葱。誠屬可愛。惜在城外耳。設能於花園中建立亭台一座。面臨蓮池。既有園林之勝。又有荷香之雅。豈非名勝之地哉。余見蓮池之四圍。柏樹森森。炎日臨之。如入清涼世界。惜滇人未能點綴。鄙見以爲宜仿歐制。於園林設茶肆。僅將樹底之地。用土平之。上鋪以巴根草。草上置茶棹。棹上鋪白布。清潔可愛。沿蓮池皆設之。茶點並備。以便游人坐憩。又於蓮池邊擇一稍寬之地。一帶麥地。

可以購買。栽種花草。中實以亭宜取長方。式以便宴會之用。因滇省無一清雅之地。可以宴客。再於蓮池中。置備小舟二三十艘。以蓮池近岸處。作爲路線。繞池一周。取錢若干。或定爲鐘點。取資亦可。小舟不得入池心。以免害及蓮花。似此辦法。不獨游人得有清雅之地。卽組織者亦獲莫大之利。而滇人竟未一憶及。誠可惜也。余游畢蓮池花園。行見路邊有一碑。上書明永歷帝灰骨處。一代帝王。委灰骨於荒草之中。無人過問。可慨也。夫余遇陳古儀君。論及蓮池組織之事。渠云海心亭亦可組織。如將海子中有水處之泥挑取。使水就深。曲折可駛船。曾有某制軍擬將城牆開一水閘。日啓夜閉。并將海子與西門外有水處鑿通。於是可由海子乘舟至大觀樓。由大觀樓至西山。惜某制軍他調未果行。此比較蓮池更好云云。然蓮池有蓮池之勝。海子與大觀樓之間。能以開通水道。亦屬甚好之事。如兩處均能實行。吾人得山水之樂。必有勝於今日也。當此戎馬倥傯。當道故無暇議及。然時至太平。放馬華山。銷戈昆水。吾深望賢有司。勿惜此時間及金錢。致使秀水名池。終與野草閒花。委棄於不顧也。午後五時入城。歸寓以紀所游。

游 滇 紀 事

十四

西山

余性好山水。每有山水名勝之處。必欲一游。華山昆池之間。山水雖多。然論者每以西山爲第一。余到滇後。卽耳西山之名。始因初到。案牘爲勞。繼因滇事發生。未遑顧及。且因西山距省城數十里。中隔昆湖。非舟不能濟。春來風勢甚大。小舟行於湖中。恐有顛覆之虞。雖欲往亦不克行。滇紳陳君古儀。吳君子瑜等。曾約候風勢稍殺。并俟彼等自置之舟鐵欄杆修竣後。結伴同往。盡一二日之游。吳君并有房舍數椽。在西山之下。可以宿焉。因此種種原因。是以遲遲其行。時屆清明。曩者每年出會。今因有事。未克舉行。然值清明佳節。舊歷二月初二日。游人甚多。故小火輪公司向之開赴昆陽者。由是月初二日起。至初四日止。專開赴西山。不赴昆陽。初二日陰雨。初三日雖無雨而風大。初四日天氣晴和。水波不興。余至大觀樓地方散步。將至近華浦。見游人甚衆。詢之均係赴西山者。余就便乘小火輪同往。先以小船駁赴輪船。因水淺輪船不能近於大觀樓也。當輪船未到之時。駁船泊於草湖。見大觀樓附近有小島二三。中有一處。俗名老毛堆。上有樹林。青蔥可愛。或

者卽陳吳二君所云。彼等所欲修理此小島。以爲別墅也。少焉輪船鳴鳴而至。搭客一躍登輪。擁擠殊甚。毫無秩序也。艙位分兩等。一爲特別票。往返五角。一爲普通票。往返二角半。然特別座位在下。空氣不佳。余雖出特別票費。仍坐於船之上層。覺空氣較好。眼簾較闊。惟海面有微風。擊頭稍痛。舟行一點二十分鍾。至西山下。舍輪入駁船。登岸不數武。卽有村落。售零星食物鋪。會聚於此。余見食物不潔淨。不敢嘗試。遂登山。山路以石爲之。如梯形。初登數級。尙易爲力。再上頗覺力有不勝。喘喘不息。汗流浹背。不得已將長衣脫下。交人代攜。於是拾級而上。至第一層。係觀音閣。見一聯云。上達且登山。但看曲中有折。絕處逢生。兩造尙留餘地步。有容方是海。何分一勺細流。千層巨浪。百川俱納。漾天和。再上見有大石。上刻千步岩。其實由山下而上。至此當不止千步也。至第二層。係如意觀。觀門常鎖。故未入。旁有如意泉。在石山下。并無泉水。至第三層。見有空屋一間。旁有破泥像一尊。餘無他物。亦未見有題名。不知係何廟。再上至張仙殿。卽海涯寺。又名羅漢寺。見廟宇宏敞。眼界頓開。湖光山色。交映目前。絕壁懸崖。凌空直立。折下至大牛洞。洞中泉水汨汨。

飲之如冰。內置石牛數頭。或以此命名耶。或恐惡獸來飲泉水。以石牛爲恐嚇耶。洞上一片大石。直立如屏。西山大石。以此處爲最大。最高最直也。石洞之右。有人在石上刻吸光飲綠四大字。洞下有屋基一片。不知係何時古刹。其地勢頗佳。西山之上。以此處爲稍平坦。臨山崖之下。有此寬敞之地。誠不易得。想當日亦係廟宇。不知如何毀壞。將來如得有大善士。捐資重修。湖山得以潤色。豈非一大快事耶。再上至羅漢崖。見有一聯云。時出雲煙鋪下界。夜來鐘磬澈諸天。進羅漢崖之門。反面寫有三清鏡三字。折而稍上。穿過石崖洞。見有大悲閣。又折而上。爲三清閣。見有一聯云。極目太華高。偌大乾坤撐半壁。盪胸瀕海闊。無邊風月倚層樓。三清閣內有道人數名居之。查西山各廟宇皆無道人。獨三清閣有之。此閣地勢高爽。遙望海天一色。長空萬里。大有凌虛之概。而無塵俗之煩。道人堂舍之外。置有椅櫈。預備游人休息。可以飲茶。左廂有屋數椽。名飛雲閣。內有一聯云。半壁起危樓。嶺如屏。海如鏡。舟如葉。城郭村落如畫。况四時風月。朝暮晴陰。試問今古游人。誰領略萬千氣象。九秋臨絕頂。洞有雲。崖有泉。松有濤。花鳥林壑有情。憶八載星霜。關河奔

走難得。栖遲故里來。嘯傲金碧湖山。又有一聯云。池水終能歸大海。山形有意禦橫流。查羅漢山三清閣者。卽昔元梁王避暑於此也。山有樓閣臺榭。下建五龍宮。至明始別開生面。沐氏肇修於先。陳氏繼修於後。前清蔡綏遠將軍及王在茲制軍。楊文定太傅。將前次之樓閣改建。是以有此壯觀也。再上至呂祖殿。見有一聯云。海爲瀾翻松爲舞。石作蓮衣雲作台。又折而上爲凌霄寶閣。係一石門。進石門內爲七聖殿。殿旁爲孝牛泉。泉旁置有石牛。右折而上爲玉皇殿。殿上書大羅天三字。有一聯云。春水船如天上坐。秋山人在畫中行。折而左下至七聖殿。由此殿旁分二路。一入天然石洞門。折而上卽爲一石殿。上書覽海處。中置諸碑。有圓石棹。游人多在此休息。內有一聯云。乾坤浮一鏡。日月跳雙丸。向左行。至一人造石門。名普陀勝景。折入一天然石洞。再曲折而上。至雲華洞。係一石殿。內供觀音。上書慈雲洞。有一聯云。鑿石現普陀。將五百里滇池。都歸佛海。援人登彼岸。願千雙聖手。盡化慈航。由此殿又曲折而入天然石洞。洞口內崖壁上有石刻。係錢匡之所書。云茲洞據太華之巔。距省治三十里。自麓而上。約十五里。左峙碧嶢。右

連海口。下臨滇池。茫茫五百里。盡在目前。視昆州（昆明縣）城闌村舍。以及金馬諸山。一羅列如畫。洵滇中勝景也。自道光庚子年。由前朱家閣鑿石穿雲。另闢斯洞。共歷九載。始克告成。因敘其大概云。觀此可以知西山之歷史矣。又沿石洞折而上。進龍門至一大石殿。旁有一石。上書雲峯洞。殿額書達天閣。上有天臨海鏡四字。皆以石刻之。此石殿中供奉者。中係斗口（魁星）。左係文昌。右係關聖。此石殿就懸崖絕壁刻成之。刻法精工。頂面刻有石桃花卉等。宛如生成。又有錢匡之一聯云。此山呼吸直通帝。隨時俯仰迴出風塵。前面有石欄杆。下係以石砌成。懸崖之上。有此神工鬼斧。誠不多見。此殿之上。又於懸崖中刻有老君一尊。位於一小石洞內。費幾許人工。始刻成此奇迹。西山全山之勝景。當推諸石殿及各石洞。蓋就石而刻成殿宇。工既精巧。且頗有天然之妙景。非他以土泥木瓦。純以人工爲之所。可望其項背也。游西山至此。皆以爲不負此行。該處一片大石。直立如屏。當日竟有人創議。建石殿於此。何謂中國人無冒險之精神也。由此大石殿曲折而出。復至覽海處。折而上。至老君殿。石路狹小而滑。老君殿係人工所修。小屋一椽。已稍

破壞。不勝雅觀。殿側有一石洞。再折而上。至太極宮。依石爲廟。廟甚小。而崖石亦甚惡。廟前無石爲欄杆。若行至此處。稍不小心。一失足。卽落於萬仞之下。余向具冒險心。非登峯造極不可。太極峯爲最高處。過此則無廟宇。亦無路徑。雖尙未達山頂。然欲再修路。曲折而上。則費工更多。且怪石險惡。亦不能再登矣。總之西山之勝。余取其懸崖石刻殿宇爲佳。其他不足取也。蓋西山形勢。遠不及鐵峯。至廟宇雄壯。古迹之多。又不如黑龍潭。今所以能勝之者。在臨懸崖而刻以石殿。玲瓏工巧。係出天然。實非他處所能及之。然鐵峯。菴崖石之處。如多費以人工。於懸崖之處。刻以石殿。亦可以爭勝於西山。惟西山尙有特長。卽坐倚大山。面臨巨海（俗名昆陽海）有此天然之勝。至今游人。不絕於途者。職是故也。蓋昆垣多山而少水。故滇池稱巨浸焉。觀止矣。由太極宮下山時。取手表觀之。則已四點五十分。卽拾級而下。以便趕船回城。行未數分鐘。卽聞汽聲隆隆。輪船催游客歸矣。卽曲折下山。不問路平。惟下山較上山爲易也。奔至輪邊。已五點有半矣。稍候片刻。汽聲又鳴兩次。船卽開回大觀樓。已鐘鳴七下。轎夫均在此候。遂乘轎回寓。興盡歸來。不知其倦。

游 滇 紀 事

十七

聊書大概。以紀所游。

西山重游

玩水游山。本閒暇尋樂之豪舉。探奇評勝。非匆忙急迫所能爲。故西山雖已一游。究未賞心愜意。因與李君鶴軒言之。渠亦欲重游。遂相約定於星期日前往。同行者有林君吳君共四人。於上午九點鐘。至西門外船碼頭。已先期預備二船。一船係洋式較大。上有篷板。可避風雨。一船係華式稍小。上有布篷。可遮陽光。是日天氣晴和。水波不興。似不必再攜洋式船。故乘華式者。順河前往大觀樓。船行沙河之中。人在柳陰之下。見農夫耕於野。行者歌於途。得離城市之繁。飽覽鄉野之景。舟行十里。至近華浦（卽大觀樓）泊舟於此。入一餐館早膳。該館係船戶所開。在一花船之上（船上彫刻有花。故名花船）船傍柳陰。人餐舟上。頗覺幽雅。因該館主人素識李君。招待周至。或殺鷄以供餐。或烹魚以適口。或調羹湯。或陳素菜。酒名竹葉。飯成桂花。既醉且飽。而後行矣。余有庖人。此時亦至。遂卽開船。並在近華浦購鮮魚數尾。載而行之。出大觀樓。入草海。舟行水上。人在葦中。兩岸色翠。三

島雲橫。草湖內有二小島。寶鏡觀千里。槍聲震四隣。擣有千里鏡獵槍。或戲作葉子。或談及舟人。或前視碧鷄。或回顧金馬。見宇宙澄清。大有以天地爲廬之概。迨至西山之下。已鐘鳴一下矣。游西山者。除清晨外。應於下午一點上山爲宜。因斯時陽光已西。山復爲之遮。故無赤日當頭之虞。而可避陰以行也。遂舍舟登岸。相與偕行。拾級而上。緩步而登。不似前次汗流浹背也。行至三清閣。前游西山已將各處記之。茲不詳贅。見海闊天空。湖山如畫。登此廣漠之峯。游乎寥廓之野。高瞻蜿蜒蒼莽。遠矚金碧交輝。洵勝景也。余之庖工已先至此。預備午餐。杯盤交錯。葷素兼施。舉罇眺海。把酒臨風。同人皆有樂意。洋洋者矣。李林二君。豪於飲。以拇戰而罄瓶中之酒。余先食畢。詢道士有無碑帖可售。答云。昔則有。今無矣。以此名山。如錢匡之等諸名人之碑帖甚多。道人不爲備。以供游人之玩賞。而獲利益。其愚不可及也。午膳畢。同人皆欲登峯造極。以盡大觀。獨林君不欲游。李君云。游西山不至石洞石殿等未游也。強之行。遂出三清閣。由七聖殿旁至覽海處。折而上。至慈雲閣。再沿石洞而上。至達天閣。大石殿。仰觀雲鎖一峯。俯視海繞三面。鳥飛上下。

波映西東。松濤聲動。野草花香。一種幽靜之景。迥非他處所能及也。西儒尼托爾云。人世最高之快樂。不在城市燦爛優美之間。而在空闊寂寞之中。故應洗西方纏繞之文明。復我清白潔淨之心。斯言也。非得山水中之真趣。不能道之。余至此。亦具尼氏之念。覺人間除山水以外。無真樂之事也。然人必先經過世俗之樂。而後返本歸真。樂天然之樂。余足跡遍全球。以倫敦紐約之大。巴黎柏靈之繁。一游則可。再游則使余生厭。尼氏亦過來人歟。故所言實獲我心。今余重游西山。蓋因此山有天然真趣。非復倫敦紐約巴黎柏靈再游使人生厭也。李君酒後餘興。登石殿。指空中施放獵槍。砰然一聲。山谷皆應。震動耳鼓。野鳥驚飛。使山神有靈。當亦云李君太惡作劇也。游畢。由石洞而出。因太極宮過高。李林二君不欲再上。余已先游之。遂拾級而下。李吳二君與余下山。似覺較上山爲易。獨林君按步而行。反以爲難。懼失足也。伏思爲人處世。如遇艱險之時。苟能事事按步而行。困難自少。林君乃穩健派人也。故事事腳踏實地。不放空一步。此係閱歷有得耳。今日世道崎嶇無處不有危險。設不處處留心。一失足成千古恨。是世道當較此山路尤難也。林君



誠可法矣。余回憶前次來游。係乘輪船。故必須按其開駛鐘點下山。以致不能自由。今則另備一舟。從容不迫。不惟下山不覺其苦。卽上山亦不見其難。得以在幽奇寂寞之中。而享受林泉之樂。不似前次忙忙而來。匆匆而去也。余等下山時。已鐘鳴六下。舟子橫舟以待。同人牽衣而登。遂令開駛。泛乎中流。當夕陽西下。景色分外宜人。舟入草海。見綠草青萍。隨波逐浪。蟲聲與蛙鼓爭鳴。長天與水波一色。同人或品茶以談古今。或操槳以代舟子。或狂歌笑語。或觀月吟詩。四境無人。舟橫草野。千山遙送。滿目煙霞。一種寂寞幽奇之景。罄竹難書。舟行將至近華浦。遙望五華燈火光明。雙塔現於月下。舟過大觀樓。並未登岸。稍停卽駛入內河。初行五里。兩岸無樹。一望無際。惟見鳶飛於天。魚躍於淵。蟲聲唧唧。蛙鼓鳴鳴。扁舟往來。相遇必呼姐姐。（操舟多女子）兩船衝突。使開卽語哥哥。次行五里。見兩岸綠柳垂楊。交護於河上。月光穿過柳陰。射入船內。散若花卉。惟握之而不可得。嗅之而不聞香。月色滿天。清光萬里。余與李君云。於此良夜。如有瑤琴。焚香一奏。流水高山之音。其心中之愉快。當非言語所能形容者。李君云。暇日當約陳君古儀攜古琴。（陳君

有宋琴一方。而又善於奏者）備扁舟。游覽於河上。奏琴於舟中。作竟夕之談。爲良宵之會。何如。舟抵省城西門。舟子云。招待不周。惟專誠特出於華浦。叮嚀話別。請重游深盼於諸公。余等登岸。步月而歸。舍林泉而入城市。雅俗遂分。歸私宅以記所游。羲皇高臥也。

筇竹寺

省城附近諸名勝。多已游之矣。惟有筇竹寺尙未一游。頗以爲憾。遂於五月二十一星期日。上午十點鐘。乘輿出大西門。經過永歷帝廟。沿山邊行。見小山上石塔高聳。係古迹也。行一點半鐘。至筇竹寺。約距城十五里。寺之山下有指路碑。卽循所指之路而上。見一磚砌之牌坊。正面書宏開覺數四字。反面書有唐高光尋犀處。再上有小廟一座。至此卽拾級而上。至筇竹寺。寺前松柏森森。溪澗流泉汨汨。令人精神一爽。進頭門。見古柏四株。大約係明代之物。僧人云。有三百之久。見二殿門。有一聯云。地產靈山。白象呈祥。青獅獻瑞。天開勝境。犀牛表異。筇竹傳奇。傳云。玉案山筇竹寺。乃唐貞觀中鄴國高亮之所創也。初光偕其弟智獵於西山。有犀躍出。衆逐之。至寺之北壑。失犀所在。仰視山畔。見羣

僧狀甚異。馳往覓之。又無所覩。惟所持筇竹植於林下。衆勿能拔。翌日往觀之。枝葉森然矣。遂建寺云。查省城西一帶之山。甚高而荒野。至今尙然。如在唐時。更可想而知。中出犀牛。亦不足怪。僧人由天竺攜來筇竹。植於此處。亦爲事理之常。若必附會其說。而欲以神權思想以動人聽聞。造此不經之說。卽或有之。余終未敢深信也。質之高光氏。當可明矣。由二殿門進內。中係大院。左右兩廂。左廂爲參禮堂。右廂爲客廳。院中有大梨樹三株。梅樹一株。再近爲大殿。左右皆羅漢。俗傳該寺有五百羅漢。卽指此也。然必合此殿對面兩廂之羅漢。方足五百之數。此係光緒十三年修也。內有一聯云。西土啓雲山。天遺白象青獅。隨追五百羅漢。南陵列玉案。地毓犀牛筇竹。護持三世菩薩。殿後之門封鎖。遂出此殿。見門首有一聯云。杖從天竺攜來。金星羅列朝諸佛。山自太華擁出。玉案穹窿現五峯。此殿後另有一小門。進內又爲一殿。名華嚴閣。爲當日之藏經樓。因回教徒之亂。經被焚燬。現係空樓。樓上可以任游人住宿。余至時。見兩西人高臥於此。地方極幽靜。大有一塵不染之概。暇日得住此一夕。藉以養靜。而去塵煩。亦甚好也。登樓四望。見山勢據高臨下。頗

爲壯麗。樓後有僧人唸經私宅二三處。僧人云。當明末清初時。僧徒有七八百名之多。自乾隆以後。遂就衰敗。今不過二十餘人矣。由華嚴閣旁門入一另院。有虹溪王氏別墅一所。見瓦屋六七椽。已有一椽破壞矣。聞係城內同慶豐當典王君筱齋舊日讀書之所。王君所以在此讀書者。取其幽靜也。另由廟之左門登後山。見山中有泉水。接入寺中。水極清。飲之如冰。水旁有一栗樹。約有五百年。再上見僧墓壘壘。寺後有小竹。詢之僧人云。並非筇竹。所有筇竹。當兵亂時。已盡爲人竊去。今無存者。又再上登一平山頂。環顧皆山。並無森林。赤日當空。陽光甚烈。不堪再上。遂回寺飲茶。稍坐卽乘轎由小路下山。行至大團山地方。轎夫擬休息片時。余下轎攜杖至該山前一觀。見有一菴。村人云。係嚴淨菴。門鎖無人。旁有空基云。係當日大佛殿。因杜文秀叛亂時。被兵所毀。該山松柏密護。形勢頗壯。因此山脫離大山。由田疇中忽起一山。山下有一村。村有百餘戶。鄉人見余穿西服。多來觀之。蓋平日未曾見也。余回時由小西門入。繞勝因寺進城。回寓已鐘鳴四下矣。略將所見。隨筆記之。以爲雪泥鴻爪之意耳。

華亭寺

前兩次游西山。均因時間過促。不及赴華亭太華二寺一遊。頗以爲憾。適小兒若漢新由皖中來。遂於十一月十二星期日。約同吳君赴西城外。乘小舟繞大觀樓入草海。直達高嶢下首之小村登岸。道路紛歧。莫知所由。詢之村童。云由村之後山土路前往。遂拾級而上。雨後途滑。頗防失足。故用力甚多。以致汗流浹背。曲路幾經。始見竹林一處。漸有人聲。古刹三層。忽聞泉吼。該寺後依華亭山。面臨昆明海。登寺遙望。見所過層巒。皆在目下。滿湖綠水。印入眼簾。頗有昂頭青天外。人在畫圖中之致。至第一層。見有一聯云。一水繞城西。煙靄有無。挂杖僧歸蒼海外。羣峯朝閣下。雨晴濃淡。倚欄人在畫圖中。此楊升菴先生之作也。進內見柏樹數株甚古。當不在黑龍潭宋柏之下。至第二層。左右皆僧舍。階前盡茶花。樹大而壯。非他處所能及。僧舍旁有一石池。山澗之清泉。流入其中。味甘美。僧人多以此水煮茶。以待游客。余等飲茶畢。卽赴第三層大殿一觀。中供大佛。有錢南園先生親書對聯。筆力雄健。迥非書肆中所售之字所能及。第一聯云。青山之高。綠水之長。豈必佛

方開口笑。徐行不困。穩步不跌。無妨人自縱心遊。第二聯云。風輪金輪水輪中。大地山河。勿云同云異。法身投身化身外。當前知覺。竟何是非。華亭寺在半山之中。地勢平坦。茂林修竹。翠柏蒼松。極具雅緻。因欲赴太華寺一游。詢之僧人。據云須取道華亭寺之後山。遂拾級再上。折而左行。山高直立如屏。路狹小如羊腸。行至兩山之間。溪聲與鳥聲爭鳴。翠柏與蒼松並茂。惟由華亭至太華之山路中。未遇一人。禽獸雖未逼人。而荒野究防暴客。松濤聲響。恍如敵臨。草木動搖。幾疑兵至。一種因靜生懼之情境。有非筆墨所能形容者也。因是日天將有雨。密雲四布。咫尺不見。余等以遊興未已。必思一至太華而後返。乃各具冒險之心。盡力上登。則亦不懼前途如何之危境。由華亭而上。繞山約三四里。始至太華寺。

太華寺

天雨無人。寺門已閉。既已來此。決無空回。遂登石階。見牌樓一座。上書太華寺三字。登階遠望。則一碧萬頃。昆水全在目中。近視則綠蔭交護。松竹都歸眼底。踞高臨下。形勢巍峨。

進敲僧門。少焉有小僧啓門入。見第一層有一聯云。梵唱數聲煙寺曉。漁歌一曲海天秋。登大殿見階前有玫瑰一株甚古。花有奇豔。再由殿旁上登後層。見廟宇已毀。僅存石地。據寺僧云。一毀於咸豐丁巳回教之亂。再毀於同治戊辰杜文秀之亂。致成瓦礫。今日寺產多提歸學堂。又無大善士捐助巨款。是以無力重建。深爲浩歎。僧人遂導余等至寺邊一小亭飲茶。亭依山臨海。極爲幽雅。外植名花數種。內有僧房三間。據云游客來此。可以借宿。內有一聯云。題石掃苔。疏泉得月。沿山種竹。入寺課花。此地一塵不染。使余萬念皆空。果公餘得暇。來此小住。或觀花飲酒。或對月吟詩。或聽松濤。或聞鳥語。或登山以觀日出。或臨海而看帆飛。當較城市繁華。別有天然之趣也。余至此大有樂而忘返之勢。無如天色近晚。雲霧復細合。細雨濛濛。不能再留。臨行僧人以小玫瑰一株相贈。余等見沿途矮松。拔取數株。攜之而歸。以作盆景。下山時。已鐘鳴五下。雖沿途聞有異香。然不知何花。亦無暇尋覓。攀技握葉。不知道路之崎嶇。衝霧穿雲。遑問途中之荊棘。聞晚鐘之頻敲。僧舍將閉。聽牧童之遙唱。游客當歸。迨下山登舟。時將昏黑。舟子鼓槳疾行。船經草海。并無

游 滇 紀 事

二十二

橫舟。繞過大觀。少見燈火。既無月色。又乏星光。一種清靜境况。莫可名言。舟抵城西。所丁來接。歸寓紀游。以誌不忘。

安甯溫泉

余至滇後。卽耳安甯溫泉之名。泉在安甯縣城外十五里。地名溫泉村。聞該處溫泉甲於諸泉。水色如碧玉。清鑿毛髮。滇中共有十七泉。此爲第一。卽唐元宗驪山玉蓮池亦所不及也。該泉稱三絕。第一無硫氣。第二則身有垢。不假澣濯。入水俱浮。三有疥癬者。一澡卽痊。有這種種佳妙處。故游之者頗不乏人。余來此已五月矣。平日困於案牘。不暇外出。前原擬出巡。視察各處鹽井。嗣因滇事發生。不便遠離。茲得兩日之暇。故乘此出游。以換新空氣。值此天氣晴和。春光明媚。既得暇日。所中諸君亦欲一游。遂決定前往。一則浴溫泉。可以滌垢潔身。（前游滇紀事中曾云此間無一好浴塘）一則便道赴安甯。視察鹽井。公私兩便。於四月二十二日早八點。由省城起程。至馬街。距城十五里。預約在此會齊。余一人先到。李君弈榆。林君翁如。黃君燕謀。郭君次卿。繼至。李君並帶馬一匹。同行至碧鷄。

關。此關距城三十里。在夾谷之間。兩山高聳。中通一路。係由西入滇垣之重要門戶也。關後有山。山上有廟。空無一人。余與李君赴山後一觀。見昆水綠波。華山翠色。令人分外神怡。雲南省城地勢本高。而開此大平原。一望無際。山城如畫。洵屬壯觀。惟此廟門不北向。而東南向。如立於廟門。眼界閉塞。一無所見。若能改之向北。當較前爲大觀也。過碧鷄關。則無平原。惟見山嶺縱橫。溝壑環繞而已。去該關不數里。有一石橋。名曰昌應。少焉抵一埠。伏役云。係讀書埠。過埠里餘。卽分路。一赴安甯。一赴洗澡塘。(溫泉村)余舍轎乘馬。沿山邊行。馬行土路。尙覺平穩。但余童年喜乘馬。今已多年未騎矣。因未穿乘馬皮靴。足腕受皮條之磨擦。不免覺痛。行約二十里。至安甯縣對面之鄉村。下馬換轎。沿山邊與溪河而下。將至溫泉村。約二三里許。有一山岡。未過岡以前。所見皆童山。過岡以後。則見林木青葱。人行樹林間。枝葉交護。頗覺清幽。精神爲之一爽。再見懸崖絕壁。石山一片。則近溫泉村矣。

(一) 溫泉村

余與李君先至村。約在下午三點半鐘。該村不大。住戶只十餘家。僅有二三雜貨店。不成爲街市。余等見棧房一所。上題溫泉小住四字。計房兩層。樓上太狹小。爲普通人而設。入棧之內院。有洋房一所。計兩層。楚楚可觀。專爲官場而設。據棧主云。樓上盛物。不能住客。僅可住樓下。余等擇臥房兩間。餐房一間。卽飭預備晚膳。余遂赴溫泉浴身。此泉在煖露寺內。門額上書天下第一湯。係楊升菴嘉慶庚午舊題也。入內看泉人迎之。導入溫泉池。將門鎖閉。以免他人再入。入溫泉池門。見石灰堆積。再入一門。乃係出溫泉處也。房屋雖高而不雅。四圍雖有木橈。然極狹小。而又有灰塵。並於池之一邊。堆放石板。且切近池旁。又皆粗石。石上亦多泥土。管理溫泉之人。並不勤於灑掃。故常汚浴者之足。良以此溫泉池。無人不可入。農夫泥腿。夫役灰脚。皆得浴之。使此清潔之水。一變爲混濁。所幸此天然之泉。湧出不窮。無論浮面如何混濁。頃刻卽可流去。變混濁爲澄清。惟四圍地土之灰塵。不易去之。爲可恨耳。果看泉人能隨時勤洗。當不致如是也。

(二) 溫泉池

查溫泉村遍地皆溫泉。眼隨處可以發現溫泉。爲何不多設池塘數處。以供人浴。雖人類漸趨平等。無分貴賤。然泥污之足。究不能與淨潔之身。雜聚於一處。衛生之道。無中外。無貴賤。自應人人講求之。似不能不有區別也。余去衣下池。見泉水如碧玉。果可清鑿毛髮。見水泡不時上升。不一其處。此卽泉水湧出也。該池係四方形。每方約一丈。深約三尺五寸。池之中心有長方形石板一方。長五尺餘。寬二尺。一端置有小圓石一塊。高約五寸。此長方形之石板。人可臥於其上。石板之面。水深四五寸。人臥其上。恰使水覆於身。小圓石恰如一枕也。泉水頗熱。有人不能深入。僅在池上洗之。然該泉溫度。甚合余身。但余亦不能在池過久。四五分鐘卽須出水。然後再入之。余臥於石板之上。頗覺適意。浴畢身爲之一爽。余衣後。細觀池之四壁。見石刻數方。有書域外華清。有書太和元氣。有書函谷長春。看泉人見余浴畢。卽來開門。余至廟內一觀。見所供奉者爲觀音。門外有一聯云。浴德潤身非水監。澡躬愈病勝金丹。又一聯云。洗大衆塵勞。澆背何須冷水。得此間邱壑。現身如在普陀。又見壁上有七絕一首。云。事畢假道游螳川。領略溫泉甚爽然。一日三浴興未足。

游 演 紀 事

二十四

恨與煖露無久緣。余出廟至棧。見林黃郭諸君。亦相繼至棧。卽共食晚餐。棧房僅有米飯且粗。並不供菜。幸余等尙帶有路菜。聊足食之。查在外國旅行。行李食物等。皆可不帶。棧房均爲預備。卽中國通商各口岸。近亦有之。今至此等棧房。因在鄉鎮。不能預備一切。固不能過責。然有此極好溫泉。游人必多。又有此洋房。設能預備飲食等物。游人稱便。雖令多出棧費。人亦樂從。蓋路遠帶物多不便也。查外國於名山大川有名勝之處。無不事事預備。應游客之求。故游之者衆。遂使名勝之地。日益繁盛。商務日益發達。遊人固稱便。供之者亦可獲利。雙方有益。我國人於此等事。毫不措意。誠爲弱點也。

(二) 龍嶺

晚餐畢。余與李黃二君。擬過河赴對面之山(名龍嶺)一游。遂乘渡船過河。該船僅容三四人。船旁洞穿一孔。水常浸入。由此岸尙未至彼岸。則船中水已盈寸。履皆爲之溼。且船行急流。頗覺不平。幸此溪河不深耳。舟子不以篙槳爲之。僅於河之兩岸。各立一木。木上各繫一木條。以繩結之。於是舟子手握此木條而行。卽可由此岸至彼岸。由彼岸至此岸。

亦同。查盤江鐵鎖橋。初次所立者。亦用此法。以鐵索爲之。此以木條爲之。蓋用意皆同耳。過河至龍嶺。見山勢巍峨。半山之間。有洋式樓房一所。聞係葉旅長之住宅。因見夕陽西下。天色將近昏黑。卽拾級而下。沿途見野梔子花甚多。卽取之。色白而香。甚爲可愛。回時以清水供養。澈夜幽香。令人神怡。因日間過勞。則思早眠。孰牀上不潔。臭虫等時出吸人之血。使身發癢。不能熟眠。當余未至滇之時。曾有董君向余云。滇中跳虱甚多。睡必先脫盡內衣。另置於一處。然後入牀。否則此物擾人清夢。不能好眠也。余深記此語。余以爲地方如能加意潔淨。當無是物。卽有亦較少。故到滇後。卽將住室逐日飭下人勤爲整理。務求潔淨。故不見之。設此棧房亦能潔淨。當無此物也。余見外人旅行中國內地。常自帶布牀。可免此厄。此夜不獨余一人未眠。李黃諸君等亦如之。次日清晨卽起。

(四) 潛廬

聞此洋房。非棧主之物。乃係黃旅長置以消暑也。平日渠不在此。可以借與棧主用之。不取值也。洋房後亦修有一溫泉池。池上修有一亭。亭栽有花木。布置井井有條。工程尙未完畢。門首書有潛廬二大字。早起下人卽赴洋房外之井。取溫泉水洗面。甚爲合宜。不藉薪火之力。立時可取用之。此項溫水。取之不盡。用之不竭。居溫泉村之人。可謂享天然之幸福也。門前又有溪水。取之以烹茶。味甚美。此間既有山水之快樂。又有溫泉之勝景。誠爲樂土也。

(五) 火龍寺

早起無事。與黃君赴洋房後之山。山上有火龍寺。或此山卽爲火龍地。能出溫泉耶。寺係康熙庚午建築。右爲土主廟。廟有古樹。約有四五百年。再由山路上。仰觀松柏森森。俯視流水汨汨。鳥語花香。山明水秀。世外桃源。堪以當之。因天時尙早。草含春露。露珠滴滴。足爲之溼。不得已而返。下山沿潛廬屋邊之溪河而上。見鳥聲與水聲爭鳴。山光與波光相映。溪旁有一古樹。高不及丈。大約數圍。有圃者。夫婦二人居焉。河有魚。園有蔬。罇有酒。浴有泉。雅人襟懷。高士風致。莫過於斯。

(六) 雲濤寺

再上見有雲濤寺。此三字係廉使許弘勳康熙己巳年書。該寺現改設學堂。再上見有大石洞數處。石洞之上有一小亭。可由石洞而登。余因天時早。恐有瘴氣。故未上登。石洞外各大石上。多有石刻。如桃源可問。宇宙奇觀。天然圖畫等字。由宇宙奇觀處。可以入洞上登小亭。再上見石上刻有觀音像。又見石上刻有雲窩二字。下卽一大石洞。可容數十人。今爲乞丐所居。若輩或真無室而居於此耶。或藉以爲隱耶。此余不得而知之耳。

(七) 水力車

石洞游畢。折而向河邊行。見水力車一架。頗具匠心。其法於河心築成一壩。壩不高。水仍可由壩過。其壩如人字形。俾水下流。可以分於兩邊行。此兩邊均可安水車。水由兩邊行。則使水積多。水力必大。以其力旋轉車輪。可以使水上升。其水力車製造之法。亦甚簡單。於河邊之急流處。兩邊以木築堤。使水中行。免分行減其水力。於木堤處。各置一大木架。架中有一木直立。使車輪兩端。可以放入。而能旋轉。查水力車係圓形。於四圍約尺許。置一薄板。又約尺許。置一圓木筒。一端有口。一端閉塞。有口一端稍斜下。薄板及圓木筒。均

置於四圍。其距離約一尺。皆相同。惟一板一筒。相間而置。以水力推板。可以使車輪旋轉。圓筒下水。水入而又因車輪旋轉而升起。將至正頂時。筒內之水。卽下落於一橫置木槽中。槽木約長八尺。槽中寬約五六寸。係長方形。長方向外之一邊。有小口約三寸許。筒內之水入槽。槽內之水入溝。溝內之水入田。以灌溉禾苗。水力車由河吸水升起。達於槽內。約高丈餘。如田高。則將槽置高。以圓筒之水能以傾下爲度。或因田過高。卽可將車輪放大。恰合於田高爲度。然以水力如何爲轉移。如水力不足。車輪過大。恐不能推之旋轉。此可慮也。余游覽山水。何以論及此項水力車。但學問隨地可得。於山巔水涯之間。而見此有益於農務之事故。不妨稍述及之。我國自古以農立國。方今因之。余在美見農家用取水抽水各項機器甚多。余未始不欲介紹於我國農民。然機器價值太貴。而又無能知修理之人。一經損壞。卽爲廢物。且轉運不易。是以無從仿行。今見此項水力車。他處雖已有之。然不知之處甚多。余生長田間。知農家困苦。每見暴日炎天。人民立於日光之下。面背爲太陽所曬。變爲黎黑。終日從事車水。尙不足以供田疇之用。不知溪河之水。可以用水



力使之上升。不必多用人力。且人力只能用於日間。水力可以日夜不息。從事農務。多在春夏之間。斯時如雨水不乏。溪河之水必多。是水力可以常用。中國內地多山。而溪河亦多。其他長江大河。可以鑿開水閘。亦可借用水力。引水升入高田。不必專在溪河也。即大塘蓄水如多。來源不絕。亦可開閘引水。可生同等之效力。隨處可以倣行。且置水力車一架。費錢無多。可歷數年之久。獲益良多。果能一律仿行。於農事前途。殊多裨益。外洋製造日見發達。皆由於精益求精。我國非無發明之人。然或不傳授。即無進步。數十百年之物。至今尚守其故步。不求改良。深爲可惜。即此水力車一事。尙有不知倣造者。違云其他精巧之物也。華人腦力非不聰明。其優秀分子。多從事於政客。不注意於發明事業。職是故耳。

(八) 煖露寺

余游觀水力車。即回向石崖行。與林李黃郭諸君沿村一游。見溫泉村之溫泉。隨地皆有。清晨見蒸氣紛騰如雲。溝渠交錯。村兒早起。皆在溝中浴身。惜溝中不潔淨之物。飄然而

至。甚可惡也。以此名勝之區。而任此等俗子居之。未免使名勝減色。行至天下第一湯之寺旁。見新修房屋數椽。另闢一新池。尙未竣工。見新池邊有一石碑。上書煖露寺記一篇。該寺係嘉慶庚午年建也。碑文余未詳記。惟內有云。溫泉鎮三字。想此村名爲鎮。必較現時爲大。第一湯者。即當日所名爲煖露寺也。惟一面有安甯溫泉詩一首。尙能記之。上云。昔聞驪丘水。今沐安甯泉。液煖堪流穢。波香可煮鮮。初疑沸周鼎。忽聽奏虞絃。遠媿張衡賦。聊題紀漢年。

(九) 冷泉

赴村後見冷泉一處。其水由石山而出。人僅用之。或不飲也。溫泉處何又有冷泉。以余理想。冷泉處稍高。此水或未經地脈溫煖之處過。故水不溫。然同爲一地。溫冷二泉並出。亦屬異事。因村右無路而返。余因步行稍久。覺身出汗。遂又赴溫泉一浴。天時尙早。無他人來此。余浴畢。覺胸臆豁然。煩襟滌蕩。衣畢見寺內有一聯云。萬古春聲流玉液。一川煙景繞蓬萊。回棧早膳。膳畢渡河。與李黃二君游山。山中花明柳暗。亦覺清幽。折而下山。見山

口有平原一處。居戶數十家。惜其地未能整飭。頗爲穢氣。人過必掩鼻。此等山明水秀之區。而任此俗子笨夫居之。不大可惜哉。故西子蒙不潔。人不樂近之。名勝之地。爲俗子而居。是將名勝與俗子同污矣。游畢返寓。不見林郭二君。蓋二君已赴溫泉浴身矣。少焉卽回。因約定是日下午二點鐘始赴安甯。時間尙早。余與李黃郭三君。擬赴後山一游。林君在棧臥游。未行之前。有鄉人來售活野雞一頭。余當購之。願給價將繩網一併購之。鄉人不允。孰鄉人無知。將雞羽並足。用索纏緊。盛於轎之後籐兜中。不久卽斃。余回見之。甚爲可惜。

(十) 球場

余與李黃郭三君。由棧後上山。山頂乃一平地。如將小松樹砍去。則爲一極好打球場。寬闊約七八畝。想當年或爲駐兵之地。未可知也。折而向山谷行。見野梔子花甚多。余等隨處採之而歸。香氣逼人。少坐覺時間尙早。因溫泉過好。不忍舍去。故又赴該處一浴。並藉以告別。至時因是日係星期日。安甯縣有青年十數人來此浴身。在池勾留。據看泉人云。約

有一點鐘之久。余進內一看。彼等不獨在此滌身。並在此滌衣。致令全池之水混黑不堪。余向彼等云。身爲青年。應知潔淨。不能將此等公共之溫泉敗壞之。令他人不能浴也。青年等知係正言。遂相率出池去。約有數分鐘。始將混水流去。余下池浴之。幾不忍去。但恐時間太久。至令大衆候余。余卽起回棧。輿夫已伺候矣。遂各乘轎赴安甯縣。(前爲安甯州)越山過嶺。至一河邊。有渡船一艘。余與李君卽渡先至安甯。林黃郭三君。亦相繼而至。余等先赴客棧。將行李安頓。然後赴鹽井視察。查黑井區出鹽。以安甯爲最早。今已數百年矣。安甯井鹽質過淡。手續甚煩。一遇天雨。將所潑土上之鹵水沖淡。又須重潑。費工頗多。甚不合算。閱畢各井回寓。晚膳後游安甯農事試驗場。在土地廟內。門前題額實業團三字。又見局門之外。有對一聯云。願學老農學老圃。惟此有土此有財。局內正在養蠶。遊畢回棧。卽高臥。永陞棧爲安甯最高等者。然床鋪一切。均極惡劣。尤可恨者。夜間不能安枕。因臭蟲入被中。令人生癢。李黃二君。亦不能眠。出房而臥於轎中。然院內又涼。不能久臥。煩鬧一夜。余苟非巡視鹽井。直接由溫泉村回省。可少受此一夕之苦矣。在外洋旅

行覺事事方便。行李一切皆可。不備。每至一棧。大有賓至如歸之樂。今游於我國內地。無一處可以適意。不僅安甯一處爲然也。若以中國內地程度與外洋內地程度相較。恐百年後亦未必能及也。且我國內地交通不便。道路險阻。雖有名勝之處。終令一游而生厭心。良可慨矣。擬整頓安甯溫泉之辦法。

(一)路政

查外國每修一村鎮。必先修路。而後始有人住之。良以路與屋並重。如無好路。卽建築房屋居之。出入不便。與經濟時間均有妨礙。是以下居於某處。卽先察其交通之如何。我國反是。卽有大村大鎮。道路亦不講求。交通不便。幾無處不然。其他鐵路電車等之設備。更無論矣。至於有名山勝景稍遠之處。尤無人過問。以浙江西湖之名勝。而路道之壞。比之外人。已不可思議。其餘可知矣。余於上年西湖紀遊中。已痛論之。(西湖紀遊已載某報)今安甯溫泉。爲滇中十七泉中之第一。是爲極名勝之地。然因道路未修。行來不便。赴泉一次。往返需轎費棧費等等。至少非三四元不克。貧人無論矣。卽

游 滇 紀 事

二十九

中人之家。亦往往不欲爲之。且往返一次。至少須兩日時間。故人多無暇一行。因此游人裹足不前。使此天然溫泉。雖有治病滌垢之效力。而一般人民。不能共享受之。天又何必生此名泉。專爲富人而設哉。天固無厚於富人。而薄於貧民也。要在爲政者。設法爲一般人民身體上謀幸福。應設一法。可以普及之。斯爲美矣。或者曰。今日財政竭蹶。焉有此閒款。爲此不急之務。如因款項。余尙有策。若修鐵路或電車。自不易辦。蓋款太鉅也。今爲政者若能以提倡於上。紳商能以鼓吹於下。或由公家出一半之資。其餘一半歸於紳商。或全部歸於商民。由其組織公司。官爲保護。僅將由省經過安甯縣至溫泉村之路。計程約八十里。(直線)用人工將路鋪平。寬約四五尺。既不用開山。(因汽車可以上下山)又不用置枕木於地。工資至多萬金。由香港購拖貨汽車一輛。中等者價值不過五千金。連運費等項。共費不過五千五百金。至於省城及安甯縣溫泉村三處設立上下車棧等。費二千五百金。僱用駕御人之川資旅費等項。約費五百金。以一千五百金爲開辦各項之用費。是總共不過三萬金。其款尙不甚鉅。無論由公家籌

款或由私家招股。均尙不難。如此項汽車開行。經過安甯。來往搭客必不少。貨物尤多。汽車較火車速度加倍。每日可以開行來回四次。每次搭客與貨物各半。（如客少可以多運貨）即以二十五人爲額。坐位分頭二等。頭等來回六角。二等來回四角。卽統以每人四角計之。則可得十元。貨物運價十元。（若再由安甯附近之草鋪接運開廣黔滇各邊岸及內地各處鹽斤至省每年不下一千萬斤則貨物尤多）共二十元。每日四次應得八十元矣。御車之人。卽以每月工價二百元。每日不過七元。卡斯零（特別之火油。燃之使車行）每日不過費四元。省城安甯溫泉三處。各設一站。卽以每處年支一千二百元。三處共三千六百元。每日不過十元。以及運夫。搬脚。修理汽車等費。至多每日亦不過八九元。總共每日開銷約在三十元。尙餘五十元。月得一千五百元。年得一萬八千元。是~~年~~半年幾可將資本收回。以後可盡獲其利。是此舉不獨便於游人。且公司可獲大利。何樂而不爲之。滇人多好作山水之游。苟有汽車可通。來往較便。余知游溫泉者必多。待生意日隆。汽車一架不敷時。再另行加增。說者謂此事確係有

利可圖。但無強有力者出爲組織。恐有人阻撓。必難底於成。此種風氣。不獨滇省爲然。他處亦往往有之。所謂人民可與樂成。難與謀始。余聞溫泉村黃旅長有避暑莊。洋樓高聳。地佔優勢。對村龍嶺。有葉旅長住宅。亦極巍峨。山前植樹種粟。亦頗具林泉風景。之二君者。有宅於斯。又爲軍界中有聲望之人。如登高一呼。事易成之。交通一便。則該處山地田房。必因之起價。其獲利更多。個中人當能知之。不待余贅也。余在歐美。常見大大地主。因其田地或山場荒僻。價值不昂。於是自出巨資。修火車路。或行電車。於是向之無人過問者。後則地價加倍矣。交通愈發達。則地價愈貴。甚至漲至十餘倍者。除修路之費外。尙可多獲利益。此經濟家之所以頻頻注意也。溫泉名勝既震動於中西人士之耳鼓。一有汽車。將來各項事業之發達。可操左券。不僅土地已也。

（二）布置

布置分爲三種。一爲村舍之布置。一爲泉池之布置。一爲山水之布置。

（甲）村舍之布置

溫泉村地方非不幽雅。無如一般農民雜居於此。糞堆如丘。臭味冲天。泉流爲之汚。地水爲之濁。致西子有不潔之蒙。游人有裹足之歎。設非從新布置。不足以潤色湖山。滌除積習。如公司組織成立。汽車開行後。卽一面布置溫泉村。將所有住戶設法令其遷移。如若輩皆有田產。近於該村。可於村下首代建一茅舍新村。（彼等原住之屋亦係茅舍）令彼等遷往。并稍津貼搬家費。以舊易新。又得資助。當亦樂從。俟農民一律遷移後。卽將所有舊屋一併拆毀。並將高低地方一律填平。視地方之大小。預爲計算。分爲小區域。每一小區域。新修洋式小房三間半。二間爲臥室。一間爲餐房。（餐畢卽可爲客廳）半間爲浴池。引溫泉至各小區域之內。以便游人在自己室內浴之。因溫泉村。隨地皆泉。或由他池引入。或由地下開出。均易爲力。以溫泉村之大。內可分二三十處小區域。其區域并不須築牆。只以竹籬爲之。稍示區別。每一小區域。四方距離。不過各四五丈。所有各小區域之外。仍另築以石牆。高五尺可耳。石牆之內。滿樹花木。可以就近取之於山林中。切近於小區域之處。各種以玫瑰。或茶花。或中外名花。按季植

之。使其四季有花。此在臨時布置得宜。非一二語可以罄也。或云如建二三十小洋房。必費巨款。其實不然。該處山石土泥均甚多。可以多僱人工。取之爲牆。不過有人指授。機宜耳。此二三十小洋房。又不必同時並起。以汽車所得贏餘。每年籌蓋十處。三年可以完全成立。惟花木須先種爲宜。每一小洋房僅一層。而無樓。所費不過二三百元。每年酌提二三元爲建築費。亦易爲力。惟各小洋房必曲折相連。又必蓋過路亭。使雨天不溼足。其所以不擬蓋大洋房者。以小洋房分別距離。空氣較好。合於衛生之道。又各有自己之浴池。不使人見。有家眷或個人。均以爲便。如修大洋樓。工程浩大。一時用款甚鉅。且人多雜聚一處。亦不安靜。此小區域之所宜分也。如此布置。交通既便。當夏日炎天。游人必多於平日。卽外國人亦多來此消夏。其較大觀樓。不啻天淵之別也。既有汽車開行。往來人衆。地方必然繁盛。而郵政、電報、匯兌等事。亦不能不相輔而行。以便利游人也。其他餐館、酒樓、茶肆以及食用各物之店。均須設立。或由公司組織。或由商人承辦。凡溫泉村之內。皆劃歸公司。商人來承辦各事。均須繳租。至小區域之洋房

均歸公司自理。游人乘汽車前來。當日不回省者。得以住之。並減十分之二房費。以廣招徠。小洋房分頭二三等。每等在一處。價目臨時再定。洋房均同樣。惟屋內陳設不同耳。并於山邊另擇一空地。築茅舍三十間。二十間爲夫役住所。十間爲馬房。並另蓋夫役廁戶。至小洋房內頭二等房間之側。均設廁所。另設大廁所數間。專爲三等之用。以示區別。

(乙) 泉池之布置。

溫泉村以溫泉著名。既歸公司承辦。必事事歸公司管理。方收統一之效。免結不良之果。應由公司將以前溫泉一律新修。並建築新式房屋。闢爲三池。分爲頭二三等。泉池亦須放大。池之四圍更須寬大。每方約丈餘。上置寬大木橈。中隔一木板。以爲脫衣之處。免彼此窺視。殊多不便。並於池邊地上。置放木板。以免泥土污足。此爲三等泉池之設備也。若係頭二等泉池。四圍丈餘之地上。應於每方建木房若干間。高僅及身。浴時可以脫放衣服。至頭二等之分別。頭等木房內有陳設。並預備拖鞋等事。以便來回泉池。足不落地。但二等無之。二等僅於池邊置蘆蓆或木板。以免泥土污足。但以上各泉池。

游 演 紀 事

三十二

頭二三等應一律設備短浴褲。以備浴者穿之下池。此尤爲不可少之物也。不獨三等泉池。取值至微。卽頭二等亦所取無多。以示天然溫泉。人人得享受之義。不過稍有區別者。免與今日腐敗不堪也。如有三處泉池。游人不必久候。各得其所。又不與農夫泥足。伏役汗身。并浴一池。此頭二三等之泉池。萬不可不分別建設也。此等公共浴池。爲游人當日返省者而設。若住於小區域之內。則另有自己之浴池也。

(丙) 山水之布置

(一) 溫泉村山後。山頂上有一極大平地。若將地上小松樹等伐去。可爲一極好打球場。外國人最注意打球。以爲身體常運動。可以有益衛生。我華人雖有未曾習者。可以聘請教習一員。逐日指導。游人如得其興味。必樂爲之。球場四圍。并可多置茶棹於樹下。於是打球者打球。品茶者品茶。各得其樂。在此山頂四望。見高山環列如屏。此山居中。形勢之壯麗。可想而知。惟設有打球場。應將上山路修好。山木甚多。以之修路。所費無多。并於山谷中。沿途建築亭榭數處。皆以山木本色爲之。并蓋以茅舍。入其山者。

有休息之所。山頂亦可建設茅亭。以成天然之本色。而壯林泉之大觀。

(二)溫泉村既有溫泉。又有溪河。河水不深。如欲潤色溫泉之勝景。可造新色小舟十餘艘。有欲游河者。可以僱用。或按鐘點取值。或按往來一次取值。并可於河邊建木屋數間。當夏日炎天。有不欲浴於溫泉者。可以浴於河。查歐美人士。最樂於游水。往往在海邊將海水引入一木屋內大池中。共浴之。然浴時均有浴衣。不似華人赤身也。今亦可做行之。並於木屋置浴衣。所費無幾。無非使游人生興味耳。

(三)於是有山有水。有亭榭。有球場。已足以潤色溫泉矣。然溫泉村下首。有石洞。洞亦深大。更可將洞石等處。亦爲之布置。洞內洒掃潔淨。置以石棹石櫂。隨處可坐。並預備茶點。以供游人之取求。既可游洞以達石崖。更可將路線新加整理。俾游人易於上登。石崖上并可建置亭榭。亦可休息。沿石洞左右之道路。亦須大加整理。妥爲修平。上鋪以沙子。沿山沿河一帶。又應多植樹木。以期夏日濃陰。可以却暑。當不如今日石洞中。常住乞丐。令此名勝之地。變爲破廟之場也。

(四)溫泉村既已如上整理矣。然村之對面龍嶺。亦甚雄壯。村落宏敞。土質肥美。無如爲一般農民雜居其間。已成污雜之地。果能令村中農民一律移居於村之下首。此山下之平地。大可改爲農事試驗場。或栽樹木。或種桑麻。尤以種花草植果木爲宜。汽車既日行數次。凡花草甚開。或以之成盆景。或折花以出售。均可隨時載之入省。以省城之大。銷花必多。獲利必厚。至果木之培植。三五年後。其得利必有數倍。其次可種菜蔬。亦可隨時運至省城銷售。并可植郁可雷。(澳洲木名。最易生長。三五年即成大樹。其葉四時不凋。)可爲鐵路枕木。(近日中國修路需此木正多。價值亦高。)植桐子樹。可出桐油。無一不可獲利也。此等農事試驗場。或由公司組織。或由他人經理。均無不可。總期地方潔淨。布置雅緻。於是此兩山遙遙相對。均爲名勝之區。於溫泉勝景。更覺生色。且此山甚高。更可修之字路。俾游人可以登山頂。上山各人攜杖。下山代備牛車。(以二木爲之。人坐中心。一端置於牛背。一端置於地。牛行則一端借地方拖行。)山中再建築茅舍。以避風雨。沿之字路。并備木櫂。以便休息。

溫泉村有園林可居。有溫泉可浴。有山水可游。且地方清幽。塵俗不染。中西人士。焉有不惠然肯來也。以上所云。實有本源。蓋余曾游瑞士。見其山巔水涯。大都如此布置。今參以己見。特轉告滇人。惟此等布置。非得熟悉之人指導。不可。苟有人組織公司。事事實行之。余當撥冗以盡義務。爲之規畫一切。余曾以此意告之李君鶴軒（煙酒公賣局局長）渠亦以爲然。惟云非得本地巨紳出爲組織。不可。恐他人行之。必生障礙耳。滇中既有如此名勝。余深望滇人出爲組織之。勿使山水笑人而後可。

#### 滇事調查

中國內地風土人情。山川形勢。不獨知之者多。卽游之者亦不少。余除游歐美各國外。於本國內地。東北至東三省。觀長城之勝。西南至兩粵。觀滄海之波。然交通較便。易於往來。不足爲奇。惟滇南地處萬里。素稱邊徼。近雖火車可至省城。然至大理十三站。至思茅十六站。均無舟車可通。其他稍遠。與緬甸交址。西藏接壤。達三四十站者。視爲恆事。交通不便。迥異他省。加之土人之風俗不同。邊徼之古跡特異。游其地者。苟不考求探訪。筆於簡

冊等未游也。則未至者更無由知之。荒遠仍其荒遠。寂寞仍其寂寞。使此蒼蒼莽莽之區。成爲零零落落之概。不大可惜哉。雲南一省。今日既爲軍事上重要之區。亦爲國防上所爭之點。界連英法。地處蠻荒。崇山峻嶺。夷族互居。濱江臨河。華洋雜處。近年來英法屢經派人調查。或倡議鐵路由印度經雲南省。以達長江。握我路權。或主張由英法代爲整理。以入彼等之範圍。良以均勢不平。致無成議。歐戰未已。東顧不遑。我國土地廣大。只以內政未修。遂致外侵無厭。東三省既入日俄範圍。滇南西藏。英法亦早有窺伺。但川邊只與英連。而滇邊則有英法。故滇省之重要。甚於四川。此次雲南舉義。幸有歐戰。且外人毫無損失。否則以此藉口。不利於我也必矣。查近年外人先後來滇調查者。一千九百零四年。則有利托爾氏。一千九百零九年。則有德斐士氏。於雲南山川形勢。人口出產等。詳細繪圖立說。陳之於英法政府。余讀其書。不能不歎外人用心之深。何其不憚煩勞。費若干之金錢。及幾許之時間。汲汲遑遑。以調查之。報告之。其有意耶。無意耶。明眼人必能知之。余固勞於案牘者也。故無暇將其調查報告。一一詳譯。以告國人。茲擇要譯述一二。俾令讀



者。知其大略可耳。

滇事調查撮要

(一)面積

雲南爲中國最大省中之第三。有十萬八千英方里。(每英里合華里三三三)與英國三島相較。則多八萬八千英方里。與安南較。則多五萬英方里。按德斐士氏報告中云。十五萬英方里。德氏調查在後。測量較確。當以此爲準。

(二)地勢

雲南地勢。似墨西哥之高原。高於海面六千五百三十尺。省會依山爲城。城中樹木亦與北京四川相同。惟街道狹小。店鋪低下。店戶無門。皆由櫃檯出入。

按雲南省第一爲山。次卽湖。他處皆不能與之比也。雲南之屬於中國。在十三世紀時。忽必烈喜爭戰。兼并馳逐。以此瑞士攘爲己有。至今皆屬於內地。元之版圖。南至於海。西北至西伯利亞。及亞細亞之荒地。以至裏海。其武功之大。擴地之廣。可知。

游 滇 紀 事

三十五

矣。

(三)人口

一千八百五十年。原有六百萬。至一千八百七十七年。僅一百萬。因回教徒於一千八百七十三年叛亂於大理。屠殺甚衆也。嗣由漢族勢力澎漲。由四川貴州來之者衆。刻約達一千二百萬之數。

按德斐士氏報告云。五十年前人口較多。回教之亂由一八五四年起。至一八七三年平。其間十九年之大亂。人口因之大減。嗣因四川人民遷入者衆。現以方里計算人口。得九十六萬。故約以一百萬計之。當爲詳確。然自德斐士氏報告至今。又已八年矣。人口必又增多。以利托爾氏所計算一百二十萬之數。當有加無減也。

(四)氣候

利托爾氏云。雲南天氣。在世界上極爲和平。當六七月時。吾人仍可享受春日之天氣。夏日天朗氣清。惠風和暢。日間溫涼。雨多行於夜間。空氣新換而清爽。寒暑表日

在七十五度。夜在六十五度。且夏日之空氣。其新鮮較好於日本也。冬日亦日光照常。

吾人居於雲南省城。長年可以洞戶開窗。享受新鮮之空氣。不致受涼。惟冬日夜間有霜而不濃。有雪而不厚。移時即化。因地氣溫暖之故耳。由新歷十一月起。至五月中旬止。爲晴天。由六月至九月爲雨天。惟雨天中亦有時晴和。其間天氣甚熱。但寒暑表從來未過八十五度時。至十月大雨無多。然小雨仍有之。

按滇垣天氣。無嚴冬酷暑。今歲（一九一五年）臘月。僅下微雪。即日溶化。據滇人云。已三年未見矣。冬日不必重裘。余至時亦覺冷。惟不及北京之甚也。滇南氣候。四時皆似秋爽。最可讀書。一雨寒生。即欲挾纊。古人稱廣東四時皆是夏。一雨便成秋。滇南四時皆是秋。一雨便成冬。俗又云。四季無春夏。一雨便成冬。如起風天。雨忽而變冷。有此二句。可以知之矣。俗又云。半年陰雨半年風。四月以後即雨。約有半年。故滇南一歲半在風中。半在雨中。氣候良爲不正。然並非江南陰雨連綿至數月之久。不

過屆四月以後。陰雨爲多。時雨時晴耳。至風之大。甲於他省。十月以後。即常見之。傳云。有時牛馬爲之吹倒。蓋滇垣高於海面數千尺。自然多風。無足怪也。

（五）風俗

雲南人民風俗。向來純樸。自滇越鐵路開通以後。歐風東漸。趨於奢華。無論如何趨新。但雲南爲雲南人之雲南。一種主義。牢不可破。滇省向爲出雅片之地。以通海爲中心點。曩者人民爲吸煙致貧。而無生氣。公共之事業。無人過問。自禁煙實行。人民生活較好。然公家收入頓減。有入不敷出之勢。惟聞近日世家大戶。雖不吸煙。然各家皆有煙具。備以供客。纏足之風。不稍減。惟女學漸設。天足日多。風氣亦可轉移矣。滇中有俚語云。不起早。不吃飽。不洗澡。不娶小。不起早。不吃飽。云。防瘴氣也。不洗澡。不娶小。云。恐受涼。此說不確。不洗澡。想係懶惰。聞有某省人來省城。已有十二年。只洗澡六次。尙未下水。以他省人來此。尙如此。本地人更可想而知。（以省城之大。只有澡塘一二處）至不娶小。尤爲不確。近日滇人娶小者。比比皆是。又何嘗受涼也。

他省人以道遠不能攜眷同來。多半亦在此娶小。價甚廉。行則攜之而去。風俗今昔不同。亦人各異致也。

按交通不便時代。滇省人民誠爲樸實。今則不然。西儒云。社會生計程度之高下。視人民文明程度爲轉移。近年滇省新人物輩出。或游學自海外歸來。或服官由他處返里。舍其舊有撲實之風。而沐新學文明之化。款客時必用洋酒。非此不恭。故一席達數十元。視爲恆事。滇省財政困難。爲各省之冠。歲入不敷歲出。計少二百萬之多。由稽核分所每月撥協款十二萬五千元。（年撥一百五十萬元。但舉義後。有全數截留。及月撥十八萬五千元之事。）仍屬不敷。故本省所屬行政機關人員。薪水至薄。將軍巡按使（現改稱督軍省長）每月不過百五六十元。廳長道尹不過百二三十元。其他可知。一切酬應車馬等費。均仰給於此。而收入既如之微。用費又如是之鉅。滇省官費。誠不易支持。聞分發到省知事有四十餘人之多。或云邊省人才少。可以露頭角。殊不知卽得一差。亦難敷用。何況有不得之者。

（六）種族。

城市多漢人。山鄉多夷族。以猓獯爲多。猓獯分兩種。生猓獯居於山野。不仿漢人之文明。熟猓獯着漢人之衣。事事仿倣之。其他苗獠等名目甚多。自雲南省之極東。以至極西。大半皆爲夷族所居之地。查滇南種族之紛歧。殊不足異。因地處大山深河。故往來不便。以致風俗不同。言語各別。大有雞犬之聲相聞。老死不相往來之概。考當日苗族係喜馬拉亞山族及西藏人。前來雲南。子孫繁衍。所居之處。與原來之地不同。日久亦忘其舊日所來之地。但往返亦不易也。因交通不便。以致各種族歧異。設若平原大路。各族早必融化。考五世紀時。雲南曾爲商朝之領土。一說漢族北下。中原舊日種族。爲其驅逐。漸至於此等絕域之區。至於回教徒尤多。勢力亦強。自大理亂事之後。今亦不及從前矣。滇夷今日之可記者。尙有數種列下。

白民

有阿白。白兒子。民家子等名。白國之後。卽滇中之土著。婦女出門攜傘障面。謂之避

嫌宴客切肉拌蒜。名曰食生。餘同漢人。女鑲邊衣。以銀花銀弔爲飾。以傘障面之事。省城早已無之。刻僅蒙自一處耳。傘之四圍以布爲簾。布長尺餘。婦女之首在其中。故人不得而見之。惟四十歲以上之婦女。方可免也。

棘人

一名白夷。又名擺夷。性耐暑熱。居多在棘下。本瀾滄江外夷人。有水旱二種。水棘近水好浴。薙後髮蓄前髮。盤髻如瓢。故又名瓢頭棘夷。旱棘夷山居耕獵。又名漢棘夷。男青布裹頭簪花。婦女不施脂粉。自然白皙。盤髮辮。紅綠包頭。飾以五綵線鬚。衣五色衣。桶裙繡邊。其俗賤女貴男。頭目妻數百人。庶民亦數十。耕織貿易皆婦人任之。凡婚娶男女相悅而議聘。一成匹配。不肅而嚴。如夫婦不睦。聽夫付之一物爲憑。然後改適。有邪術能使男子千里不忘。其法不外傳也。客娶夷女者。欲出必問還期。或一二年。或三四年。女卽以毒餌之。如期而至。則以藥解救。亦無他。若不爾。必毒發而死。所許還期卽死日也。

游 演 紀 事

三十八

苗子

三苗之後。有九種。黔省最多。流入滇中者。惟仲家花苗而已。束髮環耳。未婚者縛楮皮於額。或插鷄毛。女布冠套頭。衣桶裙。皆用五綵桃花布爲之。每歲孟春跳月。男吹蘆笙。女振鈴唱和。並肩舞蹈。終日不倦。或以綵爲毬。視所歡者擲之。暮則同歸。比曉乃散。然後議婚。節序擊銅吹吶。聚賽神書契。惟數目字及六十花甲子同。餘不同。交人

如安南國之類。男簪笠蕉扇。衣裳楚楚。婦女面貌頗雅。手貫牙釧。長衣長裙。以紅帕蒙頭。皆披髮。韞鞋。讀詩書。習禮義。婚喪之事。俱倣中國。

緬人

緬甸國流入者。有老緬。阿瓦。猛別。雍會。普幹。擺古。得楞子等類。長於鳥銃。其火藥用麥麵傅之。迅疾無聲。又有緬目者。稱爲莽紀。斷髮文身。漆齒穿耳。莽衣跣足。頭帶紅緞一方。性喜花草。

按安南緬甸人之風俗。有一最與漢人異者。莫如遺產一事。男子當婚娶以後。卽自草遺囑。密物封固。加蓋印章。交於地方有司。存於公署。有司付以收條爲憑。無論何時。其人身亡。有司卽將其遺囑啓封。視其遺言如何。或以其遺產一部份。交於某人。或以其遺產全部份。交於某人。普通之例。多半交其子。無子者交其弟兄。或以一部份留於其妻子。設有人以其全部份之遺產。盡與其妻子。其弟兄可以赴有司控訴。照律裁判。至多亦只以一半與其妻子。如遺囑未聲明將遺產若干付於其妻者。則其妻分毫不能得。此通例也。至其父母更無絲毫應得之權利。其用意。在培植青年。希望將來爲國家前途有所利益。其老朽似不必有所顧及。以其時近夕陽。存在有限也。此等風俗。與漢人大有不同。我漢人以孝親爲百事之先。故子亡而其遺產多有歸於父母以作養老之費者。吾漢人又以從一夫而終爲主旨。而女子又多半無學識。可以自立。若無遺產以養之。是逼令其改嫁。年輕者尙可改嫁。年老者又將若何。以理而論。應給予一部份之遺產與其妻子。俾足養之。方得其平。（如有既得遺

產而又改嫁者。應將會給予之遺產收回。）查緬人交人當日之風俗。亦與漢人略同。其遺產亦多有付其父母者。自屬於英法後。故一切漸倣歐風。然迫於保護國法律之傳染。亦不得不然。歐美風俗。大略相同。以法律在保將來。不顧既往。（青年日有生機。老年日漸就暮。）所有遺產。往往與其下。（青年）而不與其上。（老者）與其弟兄。而不與其妻子。或無子女兄弟者。將全部份遺產。捐入學堂者有之。或以全部份。捐入慈善事業者有之。或以一部份與其親戚。或以一部份與其朋友者。亦有之。惟承繼遺產。國家收稅甚重。除少數之遺產收稅稍輕外。其有大部份之遺產。照法國法律。須百份中抽稅七十五。而承繼者所得。僅百份之二十五。其意以承繼者不勞而得。應苛以重稅。以助國家。歐美以法治國。事事純以法律繩之。譬如貿易。分釐不讓。故不能以報答溺愛事。破壞其法律。吾漢人純以道德治國。故處處以良心爲前提。以報答爲急務。（所謂親養我我應養親之類）一則以國家爲主。一則以家族爲主。各不相謀。查人羣進化之機。由個人而家族。由家族而社會。由社會而國家。當

此世界進化一日千里而我猶守數千年牢不可破之家族主義進化之機不免遲鈍。然本此問題而論亦不應偏於一端。鄙意以爲既應培植青年爲立國之大本亦應孝養椿萱而慰老人之晚景爲國爲家兩不偏廢。斯爲上矣。余前游地球各國考查政治風俗見各國立國大本皆以人人能自立爲第一要義。故子弟及歲後（二十一歲）卽令析居自謀生活不使其終身與父母同居以養其依賴之性質而失其自立之精神。西儒常云國家係由國民組織而成故國民乃國家之原素。國民人能自立則國家可圖強是以各國青年在未及歲以前父母有教養之責。既及歲以後應自創事業其父母所以教養者爲國家培植好國民將來於國家有益也。其教養之責係爲國家盡之非爲子弟盡之也。其意以人民乃國家所有非父母所得而私也。我漢人舊思想太狹以其教養者在希望其子弟將來爲官爲吏光宗耀祖純以家族爲觀念。且我漢人其父母往往以姑息溺愛爲懷對其子弟往往不加教養聽其放蕩故世家子弟紈袴青年多半依父母爲生活不自創事業幾至麥粟不

分父母得之如珠玉之難子弟敗之若泥沙之易故爲官爲吏之子孫不數世而爲貧戶者有之爲乞丐者亦有之。查中國數千年之歷史凡大英雄大偉人多半出自草野。蓋生長田間習知人民之疾苦一旦居上位必能體貼民意爲民造福。既能視民如手足而人民亦戴之若父兄故其人存則爲人歌頌沒則爲人稱揚。西儒常云子弟良則無父母之遺產亦可自創事業子弟不良卽有父母之遺產反足以助其爲惡之行爲（中國俗語云子弟好要錢做什麼子弟不好又要錢做什麼）余深以此語爲然。中外強弱之分不在工藝實業卽此一端已可判矣。余因見緬人交人之風俗如此致生感觸聊按數語以告當世。

（七）道路。

滇越鐵路由海防至老街（河口）二四八英里。老街至雲南省二八七英里。此路線共長五三五英里。法政府以三釐半之公債借款四百萬磅以修築此路。由滇至川省敘府之路（卽此次滇軍進四川之路）

昆明至東川七站

計一五二英里

東川至昭通五站

計一〇七英里

昭通至老鴉灘六站

計一三二英里

老鴉灘至川邊二站

計二十英里

川邊至敘府四站

計六十英里

如由昆明至四川成都極近之路線計長七百英里約四十日可到。

自東川府爲雲南省城五百二十里。自雲南省城至大理府九百零五里。自大理府至騰越府八百五十五里。自騰越至英屬緬甸二百八十英里。

計自重慶而下。惟自雲南省至大理之路爲最劣。雖因山嶺崎嶇。亦由路政不修。人力荒廢之故。其已鋪石之路較之未鋪者尤劣。故行此路之苦令人不能耐也。在雲南除滇越鐵路外。一切輸送貨物多用騾馬或人力爲之。

查滇越鐵路章程共三十四條。於西歷一千九百零三年十月二十八日立。第二十

三款中有云。凡有運送中國各色兵丁。以及兵丁所用鎗械火藥糧餉。并中國賑撫各處偏災之糧。均儘先運送。其運費均減半。如果運送兵丁。欲用四等車。其價不能減少。又第二十四款。云此項鐵路專爲治理商務路。成開車後。不准載運陵鹽。及運送西國兵丁。或西國兵丁所用軍火糧餉。并不得裝運中國例禁之物。萬一中國與他國失和。遇有戰事。該鐵路不得守局外之例。悉聽中國調度。又第三十四款中云。中國國家於八十年期滿。可與法國商議收回。再查此項路線。係由河口起抵蒙自。至雲南府止。至過河口至海防。人雖統名之曰滇越鐵路。然其實大有不同也。蓋越南歸法屬耳。按雲南東界貴州普安。東南界廣西白色。南界越南河口。西南界緬甸老撾。西界緬甸邁立開江。西北界西藏。以阿墩子爲界。過此卽爲西藏。北界四川會理。攷滇南當唐虞時。實通中國。夏商周屬徼外。爲西南靡莫之地。戰國時莊蹻略地至滇池。因王其地號滇國。秦通五尺道。置吏。漢武以後。乃稱益州。其間山川磅礴。神異挺生。志乘所載。班班可考。當滇越鐵道未通以前。凡欲入滇者。多取道於揚子江。

上游過鄂湘入黔始能達滇。凡京師入滇者由河南南陽府出新野入楚境。歷襄陽荊門而至常德。由秦晉山左入滇者亦取道南陽至常德。由西蜀入滇者陸路一出建昌衛。一出遵義府。若舟行則下夔門過江陵而至常德。由吳楚豫章浙閩入滇者水路則溯長江渡洞庭而至常德。陸路則取道漢口歷京山孝感安陸荊門而至常德。唯百粵與滇黔接壤。或由黔省安籠。或由滇省廣南。俱可直達昆明。由水路出洞庭者仍溯常德而上。常德實爲水陸必由之道。

由滇入黔盤江鐵索橋尤爲關鍵。考盤江水出烏蠻經七星關奔騰至黃土坡五里疾下東南至廣西泗洲而入南海江廣三十餘丈水極深黑左右石崖廉利如劍戟自昔濟此者用渡船行駭浪中一不戒輒葬魚腹。古法必樹杙於兩岸貫之以索。憑索拽舟乃得橫渡。天啓初水藺曾叛滇黔道絕時有安普朱監軍建議築橋以通滇其建築之法先於兩岸築石墩高十三丈有奇寬亦如之。鎔鐵爲扣聯扣爲索。索三百餘扣扣重十八九斤。索凡三十綆貫兩岸石窟中。索上橫鋪巨木蓋以大板。又以

索末所餘十餘丈盤繞鞏固於兩岸之巨石。費錢巨萬。起工於崇禎元年正月落成於三年十一月。此所謂鐵索橋也。黔滇之交如有兵事互守此橋。以得此橋與否爲勝負之決也。大有一夫當關萬人莫入之勢。鐵索橋雖今爲入滇要道。然順治庚子入滇之師從水西紆道潛渡。初不由此橋也。因其有關軍事。故述及之。

自有滇越鐵道以後。向之經寧鄂湘入黔達滇。共七十三驛。計程五千二百餘里。由洞庭水道則過之而幾有萬里。在途經數月之久者。今則由上海取道香港海防抵滇省。不過兩星期。今昔之不同有如此者。

(八) 出產

(甲) (1) 金 滇志云麗江金沙<sup>沙江</sup>出金。姚安龍蛟江出金。金於滇出爲多。葉金條金咸萃於滇。滇南金廠三。一在永北之金沙江。一在保山之潞江。一在開化之錫板。其他出口極多之處。爲近於他郎廳一帶。然究不若他種礦產之多。惟金亦爲出口之大部分。葉金多運至緬甸銷售。



(2) 銀。他郎東川昭通等處均產之。

(3) 銅。由紅石崖東行百里有山脊二。名康山。有銅鑛。屬東川府。東川之銅。向來著名。北京等處多仰給於此。立有銅務公司。年出數百萬。果能用西法開採。雖千萬亦可得之。

昭通亦爲產銅最多之地。而大理麗江等處亦皆有之。

查此富鑛。若辦理得法。東川府必成一重地。刻雖有英國開礦機器而甚粗。有泥爐三。燒木炭。每日所出不過一千三百斤。其鎔化極粗。用騾馬運往北京。其價乃漲至數倍。亦有金銀。而皆歸中飽。

銅獨盛於滇南。故銅器具爲多。大者至於爲銅屋。今太和宮。銅瓦寺是也。其費銅不知幾鉅萬。玉皇閣像。皆銅鑄。其費銅尤不知幾巨萬。推之他處銅瓦銅像。又不知其幾。金牛銅牛。皆以銅。大小神廟。大鐘小磬。大小香爐。無不以銅。大香爐。高五六尺。三足如鼎。花紋極細。雖新製亦斑剝陸離。有古色。上或架香亭。亭亭遠峙。玲

瓏通明。計一香鑪。費且數萬斤。推之通省。又不知費幾巨萬。製造之精而古。殆難遍舉。來游者見到處皆然。亦以爲數見不鮮而易之。使當宣和博古時。不知費幾許張皇矣。銅鑪製各異。而色俱古。無論士庶家。必燒銅鑪。燒至數年。起野雞斑。則與夏鼎商彝比費矣。此出人力。而妙得天然者也。

(4) 鐵。鐵鑛到處皆有。尤以東川昭通爲多。

(5) 錫。爲出產大宗。近來蒙自之西。箇舊地方。產錫最多。爲全省之冠。有錫廠。養沙丁十餘萬人。每年銷額在二千萬以上。滇中以銅錫爲出產大宗。然錫尤多於銅。此在現下論之。如將來能以新法開出銅鑛。未始不可與錫并駕齊驅也。東川亦多錫。他處想亦有之。

(6) 鉛。亦到處皆有。用以和銅鑄錢。

(7) 煤。滇省煤礦。亦到處有之。原質亦佳。品類尤多。價值甚賤。惟現在以土法開採。僅能在地面上層取之。地底之好煤。尙不能得之也。近大理及在大理與雲南府

之間所產之煤尤爲豐富。

(8)玉 玉出於南金沙江。江昔爲騰越所屬。距州二千餘里。中多玉。夷人探之。搬出江岸。各成堆。粗礦外護。大小如鵝卵石狀。不知其中有玉。并玉之美惡與否。估客隨意買之。運至大理及滇省。皆有作玉坊。解之見翡翠。平地暴富矣。其次利雖差而亦贏。最下則中外盡石。本折矣。氈包蓆裹遠運而來。有貴而置之密室。或賤而棄之籬落。且用以拒門。然珍者解開轉成白石。賤者解開反出翡翠。雖老於作玉者不能預定。此卞和所以泣也。

玉器物。名目最多。大則玉如意。或長一尺二尺。次則圭璧璋琮。其他仙佛古形像。無不具。一切盤碗杯彝文玩尤佳。玉扳指玉手圈。官吏無不帶之。女釧同男。或一手雙釧以爲榮。而玉煙袋嘴則遍街皆是。雖微賤吃煙。亦口銜玉嘴。至於耳墜帽花之細。又不足論者。其濫於用玉如此。

(乙)大理石 西人名麻波(Marble)出大理點蒼山。解之爲屏及棹面。有山水物象如

畫寶貴聞於內地。高督爲十品。層巒疊嶂。積雨初霽。羣山傑立。雪意未晴。雪峯千仞。巖岫半微。水石雲月。雲山有徑。淺絳微黃。孤嶼平湖。各係以詩。然其品不止此。間多有鳥獸人物形。皆因質地墨塗火炙。以油發其光。卽似生成。不可辨矣。

大理石極爲有用。可製爲室內各種裝飾品。實爲雲南最著名之特產。如能多運出外省或外洋。定必暢銷。

按大理石爲雲南特產。或製作掛屏八幅。或製作插屏一方。上等掛屏價值由七八十元至百餘元不等。下等者亦須二三十元。分別大理石之優劣。視天然之色。而磨工又平整。以手拂之。無凸凹之處。卽爲上品。如着顏色。而又不平整。卽爲下品。或製作花盆。如係完全之大理石彫出者。卽爲上品。價值較貴。其次以六方鑲成者。而價值較廉耳。大理石本係天然之妙品。爲中國之特產。惜無人組織大公司。多聘上等工師。製成各種器皿。以合於外人之用。如能將大理石製作插屏或花盆或花屏。以及各種玩物。鑲以紫檀之木。加以靈巧之工。然後輸運各國銷售。

定能獲大利。余前在歐美時。見浙江青田人。將青田石彫成小件。運至外洋。沿街零賣。每年尚不下數十萬元。若能運銷大理石於倫敦、巴黎、柏林、紐約等處。如能歡合外人心理。每處年銷百餘萬元。亦甚易。巴拿馬賽會時。廣東有大理石出品多件。盡爲外人購去。此余親見之也。外人以各種工藝品易我金錢。年不下數千萬。我之工藝既不如人。惟有以天然品與之爭衡。外人無可倣效也。今若棄其自然之利於土泥。而不設法推行之。所謂抱金而乞食。然與否與。大理石如製成妙品。不獨外人歡迎。卽內地亦人人欲購。余出京師時。曾有友人一再致託。云回時可多帶大理石。因京師不易得也。滇越鐵道久已開通。此項大理石爲何不多運。時至各省售之。余僅見香港廣東行銷之。以其置爲椅面等。此皆下等材料。上品多不之見。如能行銷各內地省會。每年亦可獲利。總而言之。無大公司。商家個人之力微。以致不能從事改良。又無巨款可購剖石機器。使已得之名石。大半鑿而棄之。甚爲可惜。吾望滇中士大夫設法早圖之。勿放棄自然之大利也。

(丙)鹽。滇省鹽井甚多。散漫數十縣。橫互數千里。大略可分爲三區。(一)黑井區。(二)白井區。(三)磨黑井區。該三井所產出之鹽。足供全省之用。但東北一帶。如東川昭通。因路遠運費過鉅。卽就近由四川自流井運入。鹽歸政府專利。外私不准入。鹽亦爲雲南出產大宗。每年收稅。幾達三百萬元。茲將三井區各井列下

(1) 黑井區

總稅局。附入稽核分所內。因商人多半在省城繳款。故不另行設局。以節經費。

(一) 黑井分稅局。民國五年。共收稅約二十八萬四千元。

(二) 琅井。民國五年。共收稅約二萬一千元。隸屬於黑井分稅局。設監秤員管理收稅事宜。

(三) 元永井分稅局。民國五年。共收稅七十二萬三千元。該井爲滇省第一大井。產銷最多。收稅最鉅。

(四)阿陋井分稅局。民國五年。共收稅約二十二萬三千元。

(五)安寧井。民國五年。共收稅約一萬一千元。因距省只一站。故現直屬稽核分所。設監秤員管理收稅事宜。

(六)開化代辦處。民國五年。共收稅約六萬三千元。開化分銷局。現已取銷。改歸商運。設開化邊鹽稽稅局。駐芷村。只秤放鹽斤。不收課稅。內鹽每擔三元五角。如邊鹽到岸。每擔退稅一元五角。因減輕鹽價。以便抵制外私。

(七)廣南邊鹽稽稅局。駐阿迷縣。情形同上。只抵制隣私。(廣東)

(八)貴州邊鹽稽稅局。一駐板橋。一駐黃泥河。情形同上。

(2)白井區。

稽核支所。原係總稅局。現改爲支所。額設一華助理員。一洋助理員。綜理全區各分稅局事宜。隸屬省城分所。

(一)白井分稅局。民國五年。共收稅約二十六萬二千元。

游 演 紀 事

四十六

(二)喬後井分稅局。民國五年。共收稅約三十一萬元。

(三)雲龍井分稅局。民國五年。共收稅約八萬二千元。

(四)喇雞井分稅局。民國五年。共收稅約十萬元。

(五)麗江井分稅局。民國五年。共收稅約一萬三千元。現擬改商包課。不再設局。

(六)騰越代辦處。民國五年。共收稅約二萬八千元。現改爲騰越邊鹽收稅局。暨龍陵邊鹽收稅局。

(七)阿墩子砂鹽釐局。民國五年。共收稅約一萬一千元。

(3)磨黑井區。

稽核支所。原係總稅局。現改爲支所。額設一華助理員。一洋助理員。綜理全區各分稅局事宜。隸屬省城分所。

(一)磨黑井稅局。(由支所兼辦) 民國五年。共收稅約二十七萬四千元。

(二)石膏井分稅局。民國五年。共收稅約十萬元。

(三)按抱井分稅局。民國五年。按板井共收稅約十七萬四千元。現改抱母隸屬於按板井。

(四)香益井分稅局。民國五年。香鹽井共收稅約十六萬八千元。因該益香兩井所收稅額幾相等。故現各設分稅局收稅。

(五)磨歇代辦處。民國五年。共收稅約八千元。

(六)猛野代辦處。民國五年。共收稅約五千元。

(七)恩茂兩邊井。民國五年。共收稅約六千元。

以上黑白磨三井區。民國五年。總共所收鹽稅正課銀。約二百八十八萬四千八百二十八元有奇。

按雲南三大井區。前每區設場務總局一處。屬鹽運使署。場務總局以下。設各井場務分局。前每區設鹽稅總局一處。屬稽核分所。鹽稅總局以下。設各井鹽稅分局。於民國五年九月一日實行場知事制。則各井一律改爲場知事。各小井改設

分場。白井區。磨黑井區。鹽稅總局。現亦分別改爲鹽務稽核支所。屬省城分所。各井分稅局。仍照舊設置。鹽運使署與稽核分所。係屬平行機關。一則管理全省產銷。一則經收全省鹽稅。惟運署場署。緝私各項經費。非經稽核分所。經協理(大借款合同。中稱爲華洋所長)簽字。不能核撥。蓋分所。握有稽核之權也。

(丁)(1)茶。普洱茶最著名。出普洱所屬六茶山。(一)曰攸藥。(二)曰革登。(三)曰倚邦。(四)曰莽枝。(五)曰蠻崙。(六)曰慢撒。周八百里。入山作茶者數十萬人。茶客收買運於各處。每盈路。可謂大商務矣。如四川鐵路開通後。四川必多銷滇茶。亦必爲出口大宗。按美國不准普洱茶入口。以其爲一種藥茶也。一九一五年。巴拿馬賽會。美國不獨對於普洱茶。不給獎。卽全省之茶。亦主張不給獎。余充該會萬國審查官。經余力爭。始得一獎牌。給予該省商會。

(2)交桂。今世重交桂。雲南與交趾接壤。蒙自開化。本屬古交州。其地舊以產桂流傳。惟行至桂山。入林千萬樹。不知何樹已降成桂。猶採檀香者。千萬檀樹。不知何

樹已降成香。嘗有往來歇宿於樹下數十年。不知其樹已成桂。一旦得之。集工力而作之。又恐土司之驅逐趕散。幸得不散。採取盈堆。羸細又由於出汗。出之佳者。固大羸。出之劣者。轉大細。此乃存乎各人之命運。求之者如牛毛。得之者如麟角。所以入山老死不能得一當桂。可易言乎哉。俗言交趾山已採盡。所以桂價高。於今乃知不然。桂爲奇木上藥。今以林木之盛。周數百里如此。入林之求者千百。又如此。經年累歲不能獲。誠奇木哉。按余前次赴英。道經檳榔嶼。見該埠後山有桂樹一株。取葉覺香生。嚼皮知桂味。是桂樹不難於證明。或者樹已成桂也。

(3) 檀香 論檀則滇南各處俱有之。而至於爲香。惟永昌志載有趕檀香。明一統志載八百大甸出白檀香。檀有黃白紫之異。三檀並堅重清香。而白檀尤良。釋氏呼爲旃檀。言離垢也。第南徼所產之檀。亦不能盡香。而其降而成香。千百林中或有其一二物。以少爲貴也。

(4) 雲苓 茯苓。天下無不推雲南。曰雲茯苓。苓出於老松。採茯苓者入林。先用鐵條。剔之。剔之而得。乃掘而出。往往有一枚重二三十斤者。亦不之異。惟以輕重爲准。已變盡者爲茯苓。變而有木心之存者。爲茯神。非二物也。客言茯苓全在出汗。如肉桂。其羸細存乎時命焉。茯苓無取其大。惟以皮帶核桃紋者爲佳。

(5) 白蠟 白蠟亦滇之特產也。其法於立夏後。取蠟蟲子裹成五六包。綴於蠟樹枝。包大如芡。其內蟲子如細蟻。凡數百。芒種後子盡出食汁。吐涎凝於細枝。如絲之纏。如霜之裹。滿樹盡成瑤枝。皆白蠟也。處暑後刮而熬之。成餅。堅如石膏。而明澈勝於黃蠟。蠟樹有山蠟水蠟之別。水蠟樹性宜近水。批枝插入沙淤之地。數年卽成巨樹。老可至百年。歲可收蠟數斤。今能於揚子江一帶。如山蹊塘堰平原池澤暨湖邊江岸。盡種此樹放蠟。所出必百倍於滇也。

(6) 蚱蜢蓮 乃一種特別黃蓮。出於普思極邊之土司地方。生於深山窮谷之中。人迹罕到之處。如係眞品。必是龍頭鳳尾。週身多細鬚。剖視其內部。則現金黃色。並有硃砂點。以之治火症。實有起死回生之靈效。其價倍於黃金。然黃金易購。此物

不易得。余好奇。出數十元之代價。購來數分。人云尙非眞品。其難得可知矣。

(7) 神三七。出於開化一帶。亦爲滇中之特產。可與人參同功。且無燥性。生血益神。於婦科極有功效。大而結實。且少根者爲上品。每斤約三十枚。而每斤五十枚者。次之。八十枚者。又次之。上品每斤約二十元。中品每斤約十六元。下品每斤約十二元。凡他省人來滇者。無一不購之。視爲要品也。

(8) 茶花。茶花甲於天下。昔人稱其七絕。而明巡按鄧漾以十德表之。稱十德花。有黃紫紅白四種。其大如碗。顏色鮮明。如能設法移種至歐美。加以培養之法。其花更大。每花可售一先令。(合華幣五角)則獲大利。年得數百萬元。亦甚易。滇人宜急起圖之。

(9) 梅花。紅梅莫盛於滇。其花之大。實他省所不及。而龍泉之唐梅。騰越之魯梅。見於畫與傳者。光怪離奇。極人間所未有。

(10) 紫薇花。紫薇花樹既高且大。花又繁盛茂密。多植於官署庭堂。滿院絳雲。不復

游 演 紀 事

四十九

草茅氣象。花開甚久。顏色鮮明。誠爲特產。

(戊)(1) 象。出雲南諸土司。明統志云。緬甸八百皆有象。然不獨二土司也。夫教象以戰爲象陣。驅象以耕爲象耕。南中用象。殆兼馬牛之力也。

(2) 麝。麝亦鹿類。而有香。范志云。自邕州溪洞來者。名土麝。氣燥烈。不及西番。謂雲南也。是知滇麝甲於天下。李石云。天寶中。漁人水獻麝。詔養之。滴水染衣。衣敝而香不散。夫有山獺。卽有水獺。有山麝。獨無水麝乎。但不易得。得之且不識耳。按阿墩子一帶。出麝香。有法人某氏。每年赴該處收買。不下百餘萬元。運回巴黎。製成各種香水。頗獲厚利。

(3) 孔雀。孔雀出滇。雀尾一屏。值不高。人家多列之。几。前清以翎爲冠飾。比於古之貂蟬。而以三眼爲尊。故孔雀貴爲南方諸禽首。

(4) 雪蝦蟆。雪蝦蟆出蒼山。產而積雪之中。不知幾何年。一日西藏積雪之中。尙產猪。謂之雪猪。性極熱。蓋陽極轉陰。陰極轉陽。理本相因也。又云雪中產物甚多。不

可爲名數。而性皆極熱。是知天地之大。何所不有。雖深山絕塞。涸陰沍寒。終古不見天日。而生機未嘗中絕。天隨寒熱以爲生物。遊其中以自樂。火鼠之入火不焦。冰蠶乘冰自縷。彼又奚知火與冰哉。

(九) 商務

雲南出口貨。既於以上言之矣。至於入口貨。以棉花爲大宗。因人民多着棉衣。但運入者多係生棉。或棉紗。由其自織成布。紡織廠在新興縣。多銷於蒙自。因蒙自爲通商之地。(蒙自關開辦在騰越關之先)棉花不獨雲南需用。卽四川亦同。四川有七千五百萬人口。亦皆仰給他處棉花入口。雲南所需入口之物。除棉花外。至皮革木料。亦爲入口大宗。

按滇省商務。昔年公家收入。以鴉片煙與鹽稅爲大宗。自禁煙後。只以鹽爲大宗。箇舊之錫。東川之銅。亦爲出產大宗。錫每年達二千餘萬元。銅每年達二百萬元。其他普洱茶葉。宣威火腿。每年亦各達百餘萬元。

雲南出產本富。惟交通不便。輸出無方。果能先着手開辦鐵路。次修理道路。并輔之以運貨汽車。交通既便。然後聘請歐美著名工師來滇開礦。滇省礦產素稱豐富。五金皆有一旦開發。富甲全國。豈得謂貧。今日中國政治家太多。實業家過少。以致人人注意於政治。而無心於實業。政治上愈生波折。則實業上愈受影響。不知此等優美礦產。將歸何人開採也。

(十) 雜記。雲南省城。只有富滇銀行一家。故市面所用紙幣。多係該行所發。有一元五元十元五十元百元之分。現洋係本省造幣廠所鑄。有一元半元二角一角等類。但一元之大洋。市面現不多見。一說爲造幣廠受買改鑄半元之銀幣。一說係奸商私運出口。緬越交界處。聞有外商坐買。目下市面所用者。多係半元之銀幣。以前尙有英洋及外省大龍圓流行市面。今一概不見矣。富滇銀行紙幣及雲南所鑄半元之銀幣。只能通用於本省。外省多不用之。是以金融不甚流通。商務暗受影響。其所能匯兌於外省者。概藉各商號。如盈泰新等。頗獲其利。然數目不能



過鉅。中國銀行爲全國金融統一起見。前已派員攜紙幣二百萬元來滇開辦。旋因舉義中止。後又派員來滇籌設。因收回紙幣及籌現銀爲難。迄未開辦。故所有重大之匯款。多設法交由蒙自東方匯理銀行匯至外省。利權外溢。莫此爲甚。查滇省礦產之富。甲於全國。出品之多。亦不亞於他省。如箇舊出口之錫。年達二千餘萬元。出口各種藥材。爲數亦鉅。既須與香港上海等處匯兌流通。尤須四川匯兌便利。蓋川貨入滇。及滇貨入川。均藉匯兌爲金融之樞紐。是中國銀行之開設。不容再緩也。

由雲南府至河口。過河卽爲老街。(法屬安南地)如在安南居住。須納人頭稅三元。故在老街之中國人甚少。多半住於河口中國地也。老街河內海防均爲安南地。過海防卽至香港。香港自歸英屬後。收稅亦多。查每年收入地稅等。有六百萬元。以區區香港之地。收稅有如此之多。其重可知。我華人若不將土地自行保守。一旦入於他人之手。其負擔之重。當有十倍百倍今日者。其痛苦更甚也。

游 滇 紀 事

附由重慶至緬甸界道里表

由重慶至敘府道里表

第幾日	所至地點	每日所行里數	高於海面英尺數
一	走馬坑	八〇	
二	永川縣	一一〇	
三	李市鎮	一〇五	
四	瀘州	七五	
五	納溪縣	八〇	
六	南溪縣	七五	
七	敘府	一一〇	
由敘府至昭通府道里表			
一	安平	九〇	
二	黃溪	五五	

游 滇 紀 事

由昭通府至東川府道里表

三	方一站	七〇	
四	灘頭	七〇	離川邊界十里
五	老鴉灘	一四〇	一一四〇
六	郡沙關	六〇	四〇〇〇
七	七里鋪	六〇	一九〇〇
八	大文溪	七〇	一九〇〇
九	大關	七〇	三七〇〇
十	武寨	六〇	七〇〇〇
十一	昭通府	七〇	六四〇〇
一	桃源	七〇	
二	大夏鎮	三〇	七三〇〇
三	江堤	四〇	四四〇〇

由東川府至雲南府道里表

四	一七鎮	七〇	六三〇〇
五	紅石崖	九〇	六八〇〇
六	東川府	九〇	七二五〇
一	吉溪	九〇	七八〇〇
二	老德堡	九〇	八五〇〇
三	康山	一〇〇	六七〇〇
四	陽開	八五	七二〇〇
五	張堡	九五	六〇〇〇
六	雲南省城	七〇	六四〇〇

由雲南府大理府道里表

一	安甯州	七〇	六三〇〇
二	老鴉關	七〇	六八〇〇

游滇紀事

五十三

由大理府至瀾滄江道里表

一	河港鋪	九〇	五〇五〇
十三	大理府	六〇	六七〇〇
十二	趙州	六〇	六七〇〇
十一	紅岩	八〇	六〇〇〇
十	雲南驛	六五	六八〇〇
九	普湖	九〇	七二〇〇
八	沙橋界	六五	六四〇〇
七	呂合界	六〇	六〇〇〇
六	楚雄府	七〇	六一五〇
五	廣通縣	六〇	六三〇〇
四	捨資	八〇	六一〇〇
三	祿豐縣	七五	五五〇〇

經過瀾滄山谷至騰越道里表

二	漾濞	六〇	五一五〇
三	太平鋪	七〇	七四〇〇
四	黃連鋪	五〇	五二〇〇
五	小夏鎮	三〇	五二〇〇
六	朱通	九五	五二五〇
七	沙陽	七五	四八〇〇

由騰越至新街道里表

一	大里少	六五	七二〇〇
二	永昌府	七五	五五〇〇
三	放馬場	九〇	七三〇〇
四	大河堤	一二〇	八二〇〇
五	騰越府	八五	五三七〇

游 演 紀 事

(注)新街即上緬甸之一大城市也

一	南甸	九〇	五三〇〇
二	球城(或名康寨)	八〇	五三〇〇
三	小新街	六〇	五三〇〇
四	蠻允	六〇	二七五〇
五	北橋寨	六〇	一一〇〇
六	馬槽堤	六〇	六五〇
七	新街	六〇	三五〇

調查雲南普思各土司一覽表

Table with 10 columns: 第一區, 第二區, 第三區, 第四區, 第五區, 第六區, 第七區, 第八區, 說表, 名別類. Rows include details on territory, population, and administrative structure.

查普思沿邊原係十三版纳。今猛烏割歸法屬。祇餘十二版纳矣。東自整董屬之壩卡起。沿界西行。由漫乃轉南至猛伴。復西行至猛翁。循瀾滄江北上。到整哈又折而西南行。經大猛籠過打洛江。北行至猛遮屬之三面坡止。灣環千四百里。到處溪流灌溉。地多沃壤。夷民待五六月天雨。驅牛犁田一次。即行插秧。多種糯食。穀為不事耘耨。秋末自然收穫。是殆天所以養惰夷也。習尚無論男女。日赴清流洗浴。故曰水擺夷。界接英法。風俗獠狃。專嗜醉酒佞佛。婚配自由。子弟皆以學僧習緬文為榮。不讀漢書。所以風氣不開。一切因陋就簡。須俟數年後修道開埠。置電設郵。將土產花茶各項。設法改良。則商業自漸發達。而荆棘可變膏腴矣。

調查雲南騰龍各土司一覽表

官階	類別	設職年代	司屬分職	編制區域	四面交界	統計戶口	全區地形	縱橫里數	人民種類
南甸	明洪武時	千夫長百夫長	三三八	練畹撮	騰龍街	四千餘	山多壩少	縱二百餘 橫一百九十餘	漢人 獠人
宣撫司	二十七世	頭鄉約事	三三八	練畹撮	騰龍街	四千餘	山多壩少	縱二百餘 橫一百九十餘	漢人 獠人
干崖	同前	頭准猛	九	畹	騰龍街	七千餘	長山溪沖壩	縱二百五十餘 橫二十餘	漢人 獠人
同前	二十三世	頭准猛	九	畹	騰龍街	七千餘	長山溪沖壩	縱二百五十餘 橫二十餘	漢人 獠人
蓋達	前清末年因土司爭襲致成戰事後潛逃改設行政署	無	十六關外 有三萬石	畹	騰龍街	二千三百餘	四面高山 內致壩形	縱三百餘 橫一百五六十	漢人 獠人
臘撒	清乾隆三十五年	頭准猛	五	畹	騰龍街	九百餘	長山溪沖壩	縱五十餘 橫十餘	漢人 獠人
長官司	十一世	頭准猛	五	畹	騰龍街	九百餘	長山溪沖壩	縱五十餘 橫十餘	漢人 獠人
隴川	明正統時	總把小大	九	畹	騰龍街	二千四百餘	大斜壩	縱一百二十 橫五十	漢人 獠人
宣撫司	二十三世	管把小大	九	畹	騰龍街	二千四百餘	大斜壩	縱一百二十 橫五十	漢人 獠人
同前	十三世	同	八	畹	騰龍街	八百餘	同	縱三十餘 橫五	漢人 獠人
戶撒	同前	同	八	畹	騰龍街	八百餘	同	縱三十餘 橫五	漢人 獠人
巨石關	同	約	三	甲	騰龍街	五百餘	四面皆山	縱四十餘 橫三十餘	漢人 獠人
撫夷	同	約	三	甲	騰龍街	五百餘	四面皆山	縱四十餘 橫三十餘	漢人 獠人
萬仞關	同	約	四	甲	騰龍街	八百餘	同	縱七十餘 橫四十餘	漢人 獠人
撫夷	同	約	四	甲	騰龍街	八百餘	同	縱七十餘 橫四十餘	漢人 獠人
神護關	明末時	同	同	同	騰龍街	二千八十餘	同	縱九十餘 橫六十餘	漢人 獠人
撫夷	十二世	同	同	同	騰龍街	二千八十餘	同	縱九十餘 橫六十餘	漢人 獠人
遮放	明洪武時	總猛頭	六	區	騰龍街	二千餘	兩斜壩	縱八十餘 橫三十餘	漢人 獠人
宣撫副司	二十一世	理准目	六	區	騰龍街	二千餘	兩斜壩	縱八十餘 橫三十餘	漢人 獠人
芒市	明洪武時	大頭	八	畹	騰龍街	二千八百四十二	大坪壩	縱一百五十餘 橫四十餘	漢人 獠人
安撫司	二十三世	大頭	八	畹	騰龍街	二千八百四十二	大坪壩	縱一百五十餘 橫四十餘	漢人 獠人
猛板	明末時	頭	三	畹	騰龍街	四百五十餘	山多田少	縱六十餘 橫三十餘	漢人 獠人
七千總	十三世	頭	三	畹	騰龍街	四百五十餘	山多田少	縱六十餘 橫三十餘	漢人 獠人
猛戛	光復後	鄉	三	畹	騰龍街	四百五十餘	山多田少	縱六十餘 橫三十餘	漢人 獠人
自治局	成立	董	五	甲	騰龍街	一千一百餘	長壩多山	縱九十餘 橫四十餘	漢人

說表

查騰龍土司所轄。煙瘴到處皆有。獨芒市遮放猛卯隴川爲更甚。蓋達干崖南甸次之。戶撒臘撒等處又次之。人民住址。惟城市漢人有常在。其餘野夷各種類。多遷移無定。時而在此。時而在彼。語言不通。一味橫悍。以致巡鹽緝兵及剗煙軍隊到時。往往抗拒。亦習慣使然也。

